

5237.08/3664a(8)

十八家詩鈔

八

十八家詩鈔卷十五目錄

蘇東坡七古下百二十首

次韻王定國南遷回見寄

漁父四首

寄吳德仁兼簡陳季常

書林逋詩後

次韻答賈耘老

再過超然臺贈太守霍翔

送戴蒙赴成都玉局觀將老焉

用前韻答西掖諸公見和

送王伯敷守饒

武昌西山

蘇東坡詩集卷十五目錄

蘇東坡詩集卷十五目錄

寄蘄簞與蒲傳正

觀杭州鈴轄歐育刀劍戰袍

題王逸少帖

蘇子容母陳夫人挽詞

送楊傑

海市

送陳睦知潭州

送表弟程六知楚州

饒國夫人夜游圖

再用前韻

趙令晏崔白大圖幅徑三丈

次韻三舍人省上

偶與客飲孔常父見訪設席延請忽上馬馳去已而有詩戲用其韻答之

次韻子由書李伯時所藏韓幹馬 送宋朝散知彭州迎侍二親

郭熙畫秋山平遠

贈李道士

次韻米黻二王書跋尾二首

九月十五日邇英講論語終篇賜執政

講讀史官燕於東宮又遣中使就賜御書詩各一首臣軾得紫薇花絕句

翌日各以表謝又進詩一篇

送喬仝寄賀君六首

次韻黃魯直畫馬試院中作

余與李鷹方叔相知久矣領貢舉事而

李不得第愧甚作詩送之

和王晉卿送梅花次韻

慶源宣義王丈以累舉得官為洪雅主簿雅州戶掾遇吏民如家人既謝事

居眉之青神瑞草橋放懷自得有書來求紅帶既以遺之且作詩為戲

次前韻送程六表弟

戲書李伯時畫御馬好頭赤

送蹇道士歸廬山

木山

書王定國所藏煙江疊嶂圖

興隆節侍宴前一日微雪與子由同訪

王定國小飲清虛堂定國出數詩皆佳而五言尤奇子由又言昔與孫巨

源同王定國感念存沒悲歎久之夜歸稍醒各賦一篇明日朝中以示定

國也

王晉卿作煙江疊嶂圖僕賦詩十四韻

晉卿和之語特奇麗因復次韻

東川清絲寄魯冀州戲贈

寄蔡子華

介亭餞楊傑次公

安州老人食蜜歌

送張嘉州

送江公著知吉州

與葉淳老侯敦夫張秉道同相視新河

秉道有詩次韻二首

梭筍

次韻曹子方運判雪中同遊西湖

西湖秋澗東池魚窘甚因會客呼網師

遷之西池為一笑之樂夜歸被酒不能寐戲作放魚一首

復次放魚韻答趙承議陳教授 六觀堂老人草書一首

聚星堂雪 喜劉景文至

送歐陽季默赴闕 用前韻作雪詩留景文

次前韻送劉景文 蠟梅一首贈趙景貺

閣立本職貢圖 次韻王滁州見寄

次韻徐仲車 在潁州與德麟同治西湖未成改揚州

三月十六日湖成德麟有詩見懷次其韻

再次韻德麟新開西湖 次韻龜無咎學士相迎

聞林夫當徙靈隱寺寓居戲作靈隱前一首

送鼂美叔發運右司年兄赴闕 送程德林赴真州

召還至都門先寄子由 近以月石硯屏獻子功中書公復以涵

星硯獻純父侍講子功有詩純父未也復以月石風林屏贈之謹和子功

詩並求純父數句 次韻范純父涵星硯月石風林屏詩

次韻吳傳正枯木歌 書晁說之考牧圖後

書丹元子所示李太白真 雪浪石

石芝 鶴歎

送曾仲錫通判如京師 次韻子由清汝老龍珠丹

次韻子由書清汝老所傳秦湘二女圖

子由生日以檀香觀音像及新合印香銀篆盤為壽一首

子由新修汝州龍興寺吳畫壁 六月七日泊金陵阻風得鍾山泉公書

詩為謝 江西一首

秧馬歌 月華寺

游羅浮山一首示兒子過 寓居合江樓

十一月二十六日松風亭下梅花盛開

再用前韻

花落復次前韻

追餞正輔表兄至博羅賦詩為別

再用前韻

游博羅香積寺

四月十一日初食荔支

荔支歎

同正輔表兄游白水山

次韻正輔同游白水山

吾謫海南子由雷州被命即行了不相

知至梧迺聞尚在藤也旦夕當追及作此詩示之

夜夢

聞子由瘦

獨覺

過於海舶得邁寄書酒作詩遠和之皆

粲然可觀子由有書相慶也因用其韻賦一篇並寄諸子姪

真一酒歌

歐陽晦夫遺接籬琴枕戲作此詩謝之

韋偃牧馬圖

衆妙堂

虔州景德寺榮師湛然堂

張競辰永康所居萬卷堂

老翁井

十八家詩鈔卷十五目錄

十八家詩鈔卷十五

湘鄉曾國藩纂

合肥李鴻章審訂

東湖王定安校

蘇東坡七古下百二十首

次韻王定國南遷回見寄

土暈銅花蝕秋水。要須悍石相礪砥。十年冰蘖戰膏梁。萬里煙波濯紈綺。歸來詩思轉清激。百丈空潭數魴鯉。逝將桂浦擷蘭蓀。不記槐堂收劍履。卻思庾嶺今何在。更說彭城真夢耳。公自注來詩君知先竭是甘井。我願得全如苦李。安心不復九回腸。至道終當三洗髓。廣陵羨何足較。公自注余買田陽羨只有無何真我里。樂全老子今禪伯。公自注謂張安掣電機鋒不容擬。心通豈復問云何。印可聊須答。如是相逢為我話。留滯桃花春漲孤舟起。

寄蘄簞與蒲傳正

蘭谿美箭不成笛。離離玉筍排霜脊。千溝萬縷自生風。入手未開先慘慄。公家列

屋閑蛾眉珠簾不動花陰移霧帳銀牀初破睡。牙籤玉局坐彈碁。東坡病叟長羈旅。凍臥飢吟似飢鼠。倚賴春風洗破衾。一夜雪寒披故絮。火冷燈青誰復知。孤舟兒女自嘔咿。皇天何時反炎燠。愧此八尺黃琉璃。願君淨掃清香閣。臥聽風漪聲滿榻。習習還從兩腋生。請公乘此朝閭闔。

翻從寒冷時倒映出炎熱得簾之妙亦自昌黎卻願天日長炎曠句脫胎

漁父四首

漁父飲誰家去魚蟹一時分付酒無多少醉爲期彼此不論錢數

漁父醉蓑衣舞醉裏卻尋歸路輕舟短棹任橫斜醒後不知何處

漁父醒春江午夢斷落花飛絮酒醒還醉醉還醒一笑人間今古

漁父笑輕鷗舉漠漠一江風雨江邊騎馬是官人借我孤舟南渡

觀杭州鈴轄歐育刀劍戰袍

青綾衲衫暖襯甲紅線勒帛光遶脇禿襟小袖雕鶻盤大刀長劍龍蛇柙兩軍鼓譟屋瓦墜紅塵白羽紛相雜將軍恩重此身輕笑履鋒鋌如一插書生只肯坐帷

幄談笑毫端弄生殺叫呼擊鼓催上竿猛士應憐小兒黠試問黃河夜偷渡掠面驚沙寒霎霎何如大艦日高眠一枕清風過茗雪

寄吳德仁兼簡陳季常

東坡先生無一錢十年家火燒凡鉛黃金可成河可塞只有霜鬢無由玄龍邱居士亦可憐談空說有夜不眠忽聞河東師子吼拄杖落手心茫然誰似濮陽公子賢飲酒食肉自得仙平生寓物不留物在家學得忘家禪門前罷亞十頃田清溪遶屋花連天溪堂醉臥呼不醒落花如雪春風顛我游蘭溪訪清泉已辦布襪青行纏稽山不是無賀老我自興盡回酒船恨君不識顏平原恨我不識元魯山銅駝陌上會相見握手一笑三千年

題王逸少帖

顛張醉素兩禿翁追逐世好稱書工何曾夢見王與鍾妄自粉飾欺盲聾有如市倡抹青紅妖歌嫚舞眩兒童謝家夫人淡丰容蕭然自有林下風天門蕩蕩驚跳

龍出林飛鳥一掃空爲君草書續其終待我他日不忿忿

書林逋詩後

吳儂生長湖山曲呼吸湖光飲山綠不論世外隱君子傭奴販婦皆冰玉先生可
是絕俗人神清骨冷無由俗我不識君曾夢見瞳子瞭然光可燭遺篇妙字處處
有步遶西湖看不足詩如東野不言寒書似西臺差少肉平生高節已難繼將死
微言猶可錄自言不作封禪書更肯悲吟白頭曲公自注逋臨終詩云茂陵異日求遺草猶喜初無封禪書我
笑吳人不好事好作祠堂傍修竹不然配食水仙王一盞寒泉薦秋菊

蘇子容母陳夫人挽詞

蘇陳甥舅真冰玉正始風流起頽俗夫人高節稱其家凜凜寒松映修竹雞鳴爲
善日日新八十三年如一晨豈惟室家宜壽母實與朝廷生異人忘軀殉國乃吾
子三仕何曾知慍喜不須擁笏彊垂魚我視去來皆夢爾誦詩相挽真區區墓碑
千字多遺餘他年太史取家傳知有班昭續漢書

次韻答賈耘老

五年一夢南司州飢寒疾病爲子憂東來六月井無水仰看古堰橫奔牛平生管
鮑子知我今日陳蔡誰從邱夜航爭渡泥水澀牽挽直欲來瓜州自言嗜酒得風
痹故鄉不敢居溫柔定將泛愛救溝壑衰病不復從前樂今年太守真臥龍笑語
炎天出冰雹時低九尺蒼鬢髯過我三閒小池閣故人改觀爭來賀小兒不信猶
疑錯爲君置酒飲且哦草閒秋蟲亦能歌可憐老驥真老矣無心更秣天山禾

送楊傑

並序○王注元祐二年高麗僧義天航海聞道至明州傳云義天棄
王位出家上疏乞徧歷叢林問法受道有詔朝奉郎楊傑次公館伴

所至吳中諸刹皆迎錢如王臣禮至金山僧了元乃牀坐受其大展次公
驚問其故了元曰義天亦異國僧耳叢林規繩如是不可易朝廷聞之以

無爲子嘗奉使登太山絕頂雞一鳴見日出又嘗以事過華山重九日飲

酒蓮華峯上今乃奉詔與高麗僧統游錢塘皆以王事而從方外之樂善

哉未曾有也作是詩以送之

天門夜上賓。出日萬里紅。波半天赤歸。來平地看跳丸。一點黃金鑄秋橘。太華峯頭作重九天風。吹灑黃花酒。浩歌馳下腰帶鞢。醉舞崩崖一揮手。神游八極萬緣虛。下視蚊雷隱汗渠。大千一息八十返。笑厲東海騎鯨魚。三韓王子西求法。鑿齒彌天兩勅敵。過江風急浪如山。寄語舟人好看客。

再過超然臺贈太守霍翔

昔飲零泉別常山。天寒歲在龍蛇閒。山中兒童拍手笑問我。西去何當還十年。不赴竹馬約。扁舟獨與魚簑閒。重來父老喜我在。扶挈老幼相遮攀。當時襁褓皆七尺。而我安得留朱顏。問今太守爲誰歟。護羌充國鬢未斑。公自注翔自言在熙河作屯田有功躬持牛酒勞行役。無復杞菊嘲寒慳。超然置酒尋舊迹。尙有詩賦鑱堅頑。孤雲落日在馬耳。照耀金碧開煙鬟。或作扶淇自古北流水。跳波下瀨鳴玦環。願公談笑作石埭。坐使城郭生溪灣。

海市並序

予聞登州海市舊矣。父老云常出於春夏。今歲晚不復見矣。予到官五日而去。以不見爲恨。禱於海神廣德王之廟。明日見焉。乃作此詩。

東方雲海空。復空羣仙出。沒空明中。蕩搖浮世生。萬象豈有貝闕藏。珠宮心知所見。皆幻影。敢以耳目煩神工。歲寒水冷天地閉。爲我起蟄鞭魚龍。重樓翠阜出霜曉。異事驚倒百歲翁。人閒所得容力取。世外無物誰爲雄。率然有請不我拒。信我人厄非天窮。潮陽太守南遷歸。喜見石廩堆祝融。自言正直動山鬼。豈知造物哀龍鍾。信眉一笑豈易得。神之報汝亦已豐。斜陽萬里孤鳥沒。但見碧海磨青銅。新詩綺語亦安用。相與變滅隨東風。

送戴蒙赴成都玉局觀將老焉

拾遺被酒行歌處。野梅官柳西郊路。聞道華陽版籍中。至今尙有城南杜。我欲歸尋萬里橋。水花風葉暮瀟瀟。芋魁徑尺誰能盡。椋木三年已足燒。百歲風狂定何有。羨君今作峨眉叟。縱未家生執戟郎。也應世出埋輪守。莫欺老病未歸身。玉局

他年第幾人會待子猷清興發還須雪夜去尋君

送陳睦知潭州

華清縹緲浮高棟。上有纈林藏石壑。一杯此地初識君。千巖夜上同飛鞚。君時年少面如玉。一飲百觚嫌未痛。白鹿泉頭山月出。寒光潑眼如流汞。朝元閣上酒醒時。臥聽風鸞鳴鐵鳳。舊游空在人何處。二十三年真一夢。以上述舊游以潭州我得生還雪髯滿君亦老。嫌金帶重有如社燕與秋鴻。相逢未穩還相送。洞庭青草渺無際。天柱紫蓋森欲動。湖南萬古一長嗟。付與騷人發嘲弄。

用前韻答西掖諸公見和

雙。猊。蟠。礎。龍。纏。棟。金。井。轉。轡。鳴。曉。甕。小。殿。垂。簾。碧。玉。鉤。大。宛。立。仗。青。絲。鞚。風。馭。賓。天。雲。雨。隔。孤。臣。忍。淚。肝。腸。痛。羨。君。意。氣。風。生。座。落。筆。縱。橫。盤。走。汞。上。樽。日。日。瀉。黃。封。賜。茗。時。時。開。小。鳳。閉。門。憐。我。老。太。玄。給。札。看。君。賦。雲。夢。金。奏。不。知。江。海。眩。木。瓜。屢。費。瓊。瑤。重。豈。惟。蹇。步。困。追。攀。已。覺。侍。史。疲。奔。送。春。還。宮。柳。腰。支。活。雨。入。御。溝。鱗。

甲動借君妙語發春容。顧我風琴不成弄。

送表弟程六知楚州

施注公母成國太夫人程氏眉山著姓其姪之才字正輔第二之元字德孺第六即楚州也之邵字懿叔第七

炯炯明珠照雙璧。當年三老蘇。程石里人下道避鳩杖。刺史迎門倒冕烏。我時與子皆兒童。狂走從人覓梨栗。健如黃犢不可恃。隙過白駒那暇惜。醴泉寺古垂橘。柚石頭山高。暗松櫟諸孫相逢萬里外。一笑未解千憂集。子方得郡古山陽。老手生風謝刀筆。我正含毫紫微閣。病眼昏花困書檄。莫教印綬繫餘年。去掃墳墓當有日。功成頭白早歸來。共藉梨花作寒食。三老當謂東坡與程六德孺之祖為二老又加石氏一老也諸孫即指程六及

坡自謂耳前十句敘少時故鄉聚處後十句敘暮年京師送別

送王伯敷守統

華山東麓秦遺民。當時依山來避秦。至今風俗含古意。柔桑淥水招行人。行人掉臂不回首。爭入嶠函土囊口。謂行人爭入函谷關而至長安不肯久留統州也惟有使君千里來。欲飲三堂無事酒。三堂本來一事無。日長睡起聞投壺。牀頭硯石開雲月。澗底松根斲雪

映山棚盜散人安寢勸買耕牛發陳廩歸來只作水衡卿我欲攜壺就君飲

虢國夫人夜游圖

佳人自鞚玉花驄如驚燕蹋飛龍金鞭爭道寶釵落何人先入明光宮宮中羯鼓催花柳玉奴絃索花奴手坐中八姨真貴人走馬來看不動塵明眸皓齒誰復見只有丹青餘淚痕人閒俯仰成今古吳公臺下雷塘路當時亦笑張麗華不知門外韓擒虎

武昌西山 並引

嘉祐中翰林學士承旨鄧公聖求為武昌令常游寒溪西山山中人至今能言之軾謫居黃岡與武昌相望亦常往來谿山閒元祐元年十一月二十九日考試館職與聖求會宿玉堂偶話舊事聖求嘗作元次山窪樽銘刻之巖石因為此詩請聖求同賦當以遺邑人使刻之銘側

春江淥漲蒲萄醅武昌官柳知誰栽憶從樊口載春酒步上西山尋野梅西山一

上十五里風駕兩腋飛崔嵬同游困臥九曲嶺褰衣獨到吳王臺中原北望在何

許但見落日低黃埃歸來解劍亭前路蒼崖半入雲濤堆浪翁醉處今尚在石臼

杯一作飲無樽壘爾來古意誰復嗣公有妙語留山隈至今好事除草棘常恐野

火燒蒼苔當時相望不可見玉堂正對金鑾開豈知白首同夜直臥看椽燭高花

摧江邊曉夢忽驚斷銅鑲玉鎖鳴春雷山人帳空猿鶴怨江湖水生鴻鴈來請公

作詩寄父老往和萬壑松風哀 前十二句敘昔在黃州往來西山浪翁六句敘鄧曾作窪樽銘當時六句敘會宿玉堂

再用前韻

朱顏發過如春醅胸中梨棗初未栽丹砂未易掃白髮赤松卻欲參黃梅寒溪本

自遠公社白蓮翠竹依崔嵬當時石泉照金像神光夜發如五臺飲泉鑿面得真

意坐視萬物皆浮埃欲收暮景返田里遠泝江水窮離堆還朝豈獨羞老病自歎

才盡傾空壘諸公渠渠若夏屋吞吐風月清隅隈我如廢井久不食古甃缺落生

陰苔數詩往復相感發汲新除舊寒光開遙知二月春江闊雪浪倒卷雲峯摧石

中無聲水亦靜云何解轉空山雷

公自注韋應物詩云水性本靜石中固無聲如何兩相激雷轉空山驚

欲就諸公

評此語要識憂喜何從來願求南宗一勺水往與屈賈湔餘哀

趙令晏崔白大圖幅徑三丈

扶桑大繭如甕盎天女織綃雲漢上往來不遣鳳銜梭誰能鼓臂投三丈人閒刀尺不敢裁丹青付與濠梁崔風蒲半折寒鴈起竹間的櫟橫江梅畫堂粉壁翻雲幕十里江天無處著好臥元龍百尺樓笑看江水拍天流

次韻三舍人省上

公自注三月二十九日作明日駕幸景靈宮

紛紛榮瘁何能久雲雨從來翻覆手恍如一夢墮枕中卻見三賢起江右

公自注曾子開

劉貢父孔經父皆江西人

嗟君妙質皆瑚璉顧我虛名但箕斗明朝冠蓋蔚相望共扈翠輦朝宣光武皇已老白雲鄉正與羣帝驂龍翔獨留杞梓扶明堂

偶與客飲孔常父見訪設席延請忽上馬馳去已而有詩戲用其韻答之

揚雄他文不皆奇獨稱觀餅居井眉酒客法士兩小兒陳遵張竦何曾知主人有

酒君獨辭蟹螯何不左手持豈復見吾橫氣機遣人追君君絕馳盡力去花君自

癡醜醜與酒同一卮請君更問文殊師

次韻子由書李伯時所藏韓幹馬

潭潭古屋雲幕垂省中文書如亂絲忽見伯時畫天馬朔風胡沙生落錐天馬西來從西極勢與落日爭分馳龍膺豹股頭八尺奮迅不受人間羈元狩虎脊聊可友開元玉花何足奇伯時有道真吏隱飲啄不羨山梁雌丹青弄筆聊爾耳意在萬里誰知之幹惟畫肉不畫骨而況失實空留皮煩君巧說腹中事妙語欲遣黃泉知君不見韓生自言無所學廐馬萬匹皆吾師

送宋朝散知彭州迎侍二親

施注宋彭州名構字成之都人

東來誰迎使君車知是丈人屋上烏丈人今年二毛初登樓上馬不用扶使君負弩爲前驅蜀人不復談相如老幼化服一事無有鞭不施安用蒲春波如天漲平湖鞞紅照坐香生膚笭鞬上壽白玉壺公堂登歌鳳將雛諸孫歡笑爭挽鬢蜀人

畫作西湖圖

郭熙畫秋山平遠

公自注文潞公為跋尾圖畫見聞志郭熙河陽人工畫山水寒林

玉堂畫掩春日閑中有郭熙畫春山鳴鳩乳燕初睡起白波青嶂非人間離離短幅開平遠漠漠疏林寄秋晚恰似江南送客時中流回頭望雲巘伊川佚老鬢如霜臥看秋山思洛陽為君紙尾作行草炯如嵩洛浮秋光我從公游如一日不覺青山映黃髮為畫龍門八節灘待向伊川買泉石

贈李道士

並序

駕部員外郎李君宗固景祐中良吏也守漢州有道士尹可元精練善畫以遺火得罪當死君緩其獄會赦獲免時可元年八十一自誓且死必為李氏子以報可元既死二十餘年而君子世昌之婦夢可元入其室生子曰得柔小名蜀孫幼而善畫既長讀莊老喜之遂為道士賜號妙應事母以孝謹聞其寫真蓋妙絕一時云

世人只數曹將軍誰知虎頭非癡人腰間大羽何足道頰上三毛自有神平生狎侮諸公子戲著幼輿巖石裏故教世世作黃冠布襪青鞋弄雲水千年鼻祖守關門一念還為李耳孫香火舊緣何日盡丹青餘習至今存五十年初過二衰顏記我今如此他時要指集賢人知是香山老居士

次韻米黻二王書跋尾二首

三館曝書防蠹毀得見來禽與青李秋虵春蚓久相雜野鷺家雞定誰美玉函金籥天上來紫衣敕使親臨啟紛綸過眼未易識磊落挂壁空雲委歸來妙意獨追求坐想蓬山二十秋怪君何處得此本上有桓玄寒具油巧偷豪奪古來有一笑何似癡虎頭君不見長安永甯里王家破垣誰復修前八句敘曾在三館見二王真蹟後八句羨米得此本元章作書日千紙平生自苦誰與美畫地為餅未必似要令癡兒出饒水錦囊玉軸來無趾粲然奪真疑聖智忍飢看書淚如洗至今魯公餘乞米

九月十五日邇英講論語終篇賜執政講讀史官燕於東宮又遣中使就賜

御書詩各一首臣軾得紫薇花絕句其詞云絲綸閣下文章靜鐘鼓樓中刻漏長獨坐黃昏誰是伴紫薇花對紫薇郎翌日各以表謝又進詩一篇臣軾詩云

繡裳畫袞雲垂地不作成王翦桐戲日高黃繖下西清風動槐龍舞交翠公自注

前地有雙槐樹枝屬地如龍形壁中蠹簡今千年漆書科斗光射天諸儒不復憂吻燥東宮賜酒

如流泉酒酣復拜千金賜一紙驚鸞回鳳字蒼顏白髮便生光袖有驪珠三十四

公自注臣所賜書並題目及臣姓名凡三十四字歸來車馬已喧闐爭看銀鉤墨色鮮人閒一日傳萬口

喜見雲章第一篇公自注上前此未嘗以御書賜羣臣玉堂晝掩文書靜鈴索不搖鐘漏永莫言弄

筆數行書須信時平由主聖犬羊散盡沙漠空捷書夜到甘泉宮似聞指揮築上

郡已覺談笑無西戎公自注時熙河新獲果莊是日文思天子師文母終閉玉關

辭馬武小臣願對紫薇花試草尺書招贊普公自注按唐制翰林學士帶知制誥許綴中書舍人班今臣以知制誥待

罪禁林故得以紫薇為故事

送喬仝寄賀君六首

並序○送喬仝七古一首寄賀元絕句五首因題與序並同故附錄於七古中

舊聞靖長官賀水部皆唐末五代人得道不死章聖皇帝東封有謁於道

左者其謁云晉水部員外郎賀亢再拜而去上不知也已而閱謁見之大

驚物色求之不可得天聖初又使其弟子喻澄者詣闕進佛道像直數千

萬張公安道與澄遊具得其事又有喬仝者少得大風疾幾死賀使學道

今年八十益壯盛人無復見賀者而仝數見之元祐二年十二月仝來京

師十許日予留之不可曰賀以上元期我於蒙山又曰吾師嘗游密州識

君於常山道上意若喜君者作是詩以送之且作五絕句以寄賀

君年二十美且都初得惡疾墮眉須紅顏白髮驚妻孥覽鏡自嫌欲棄軀結茅窮

山啖松腴路逢逃秦博士盧方瞳照野清而癯再拜未起煩一呼覺知此身了非

吾炯然蓮花出泥塗隨師東游渡濰邦山頭見我兩輪朱豈知仙人混屠沽爾來

八十胸垂胡上山如飛瞋人扶東歸有約不敢渝新年當參老仙儒秋風西來下

雙。鳧。得。棗。如。瓜。分。我。無。

生長兵閒蚤脫身晚為元祐太平人不驚渤澥桑田變來看龜蒙漏澤春
曾謁東封玉輅塵幅巾短褐亦逡巡行宮夜奏空名姓悵望雲霞縹緲人
垂老區區豈為身微言一發重千鈞始知不見高皇帝正似商山四老人
舊聞父老晉郎官已作飛騰變化看聞道東蒙有居處願供薪水看燒丹
千古風流賀季真最憐嗜酒謫仙人狂吟醉舞知無益粟飯藜羹問養神

次韻黃魯直畫馬試院中作

少。年。鞍。馬。勤。遠。行。臥。聞。齧。草。風。雨。聲。見。此。忽。思。短。策。橫。十。年。髀。肉。磨。欲。透。那。更。陪。
君。作。詩。瘦。不。如。芋。魁。歸。飯。豆。門。前。欲。嘶。御。史。驄。詔。恩。三。日。休。老。翁。羨。君。懷。中。雙。橘。
紅

余與李薦方叔相知久矣領貢舉事而李不得第愧甚作詩送之

與君相從非一日筆勢翩翩疑可識平生謾說古戰場過眼終迷日五色我慙不

出君大笑行止皆天子何責青袍白紵五千人知子無怨亦無德買羊沽酒謝玉
川為我醉倒春風前歸家但草凌雲賦我相夫子非臞仙

和王晉卿送梅花次韻

東坡先生未歸時自種來禽與青李五年不踏江頭路夢逐東風泛蘋芷江梅山
杏為誰容獨笑依依臨野水此閒風物君未識花浪翻天雪相激明年我復在江
湖知君對花三歎息

慶源宣義王丈以累舉得官為洪雅主簿雅州戶掾遇吏民如家人人安樂
之既謝事居眉之青神瑞草橋放懷自得。有書來求紅帶既以遺之且作
詩為戲請黃魯直秦少游各為賦一首為老人光華

青衫半作霜葉枯遇民如兒吏如奴吏民莫作官長看我是識字耕田夫妻囁兒
號刺史怒時有野人來挽須拂衣自注下下考芋魁飯豆吾豈無歸來瑞草橋邊
路獨游還佩平生壺慈姥巖前自喚渡青衣江畔人爭扶今年蠶市數州集中有

遺民懷袴襦邑中之黔相指似白髯紅帶老不癯我欲西歸卜鄰舍隔牆拊掌容
歌呼不學山王乘駟馬回頭空指黃公壇

次前韻送程六表弟

君家兄弟真連璧門十朱輪家萬石竹使猶分刺史符尙方行賜尙書鳥前年持
節發倉廩到處賣刀收繭粟歸來閉口不論功卻走渡江誰復惜君才不用如湖
松我老得全猶社櫟青衫莫厭百僚底白首上有千薪積憶昔江湖一釣舟無數
雲山供點筆未應便障西風扇只恐先移北山檄憑君寄謝江南叟念我空見長
安日浮江泝蜀有成言江水在此吾不食

戲書李伯時畫御馬好頭赤

山西戰馬飢無肉夜嚼長稽如嚼竹蹏閒三丈是徐行不信天山有坑谷豈如廢
馬好頭赤立仗歸來臥斜日莫教優孟卜葬地厚衣薪櫛入銅歷

送蹇道士歸廬山

物之有知蓋恃息孰居無事使出入心無天游室不空六鑿相攘婦爭席法師逃
人入廬山山中無人自往還往者一空還者失此身正在無還閒綿綿不絕微風
裏內外丹成一彈指人閒俯仰三千秋騎鶴歸來與子游

木山 並引

吾先君子嘗蓄木山三峯且爲之記與詩詩人梅二丈聖俞見而賦之今
三十年矣而猶子千乘又得五峯益奇因次聖俞韻使並刻之其側

木生不願回萬牛願終天年仆沙洲時來幸逢河伯秋掀然見怪推不流蓬婆雪
嶺巧彫蝨蟄蟲行蟻爲豪酋阿咸大膽忽持去河伯好事不汝尤城中古沼浸坤
軸一林瘦竹吾菟裘二頃良田不難買三年椴木行可櫛會將白髮對蒼巘魯人
不厭東家邱

書王定國所藏煙江疊嶂圖

公自注王
晉卿畫

江。上。愁。心。千。疊。山。浮。空。積。翠。如。雲。煙。山。邪。雲。邪。遠。莫。知。煙。空。雲。散。山。依。然。但。見。兩。

崖蒼蒼暗絕谷中有百道飛來泉縈林絡石隱復見下赴谷口爲奔川川平山開
林麓斷小橋野店依山前行人稍度喬木外漁舟一葉江吞天使君何從得此本
點綴毫末分清妍不知人間何處有此境徑欲往買二頃田君不見武昌樊口幽
絕處東坡先生留五年春風搖江天漠漠暮雲卷雨山娟娟丹楓翻鴉伴水宿長
松落雪驚晝眠桃花流水在人世武陵豈必皆神仙江山清空我塵土雖有去路
尋無緣還君此畫三歎息山中故人應有招我歸來篇

十二句言樊口勝境亦不減於圖中之景

前十二句狀畫中勝境使君四句點明題目君不見

興隆節侍宴前一日微雪與子由同訪王定國小飲清虛堂定國出數詩皆
佳而五言尤奇子由又言昔與孫巨源同王定國感念存沒悲歎久之夜
歸稍醒各賦一篇明日朝中以示定國也

天風淅淅飛玉沙詔恩歸沐休早衙遙知清虛堂裏雪正似薔薇林中花出門自
笑無所詣呼酒持勸惟君家踏冰凌兢戰疲馬扣門剝啄驚寒鴉羨君五字入詩

律欲與六出爭天葩頭風已倩檄手愈背癢卻得仙爪爬銀餅瀉油浮蠹酒紫盃
鋪粟盤龍茶幅巾起作鸚鵡舞疊鼓誰摻漁陽搥九衢燈火雜夢寐十年聚散空
咨嗟明朝握手殿門外共看銀闕噉晨霞

王晉卿作煙江疊嶂圖僕賦詩十四韻晉卿和之語特奇麗因復次韻不獨
紀其詩畫之美亦爲道其出處契闊之故而終之以不忘在莒之戒亦朋
友忠愛之義也

山中舉頭望日邊長安不見空雲煙歸來長安望山上時移事改應潛然管絃去
盡賓客散惟有馬埒編金泉渥洼故自千里足要飽風雪輕山川屈居華屋唱棗
脯十年俯仰龍旂前卻因瘦病出奇骨鹽車之厄甯非天風流文采磨不盡水墨
自與詩爭妍畫山何必山中人田歌自古非知田鄭虔三絕君有二筆勢挽回三
百年欲將巖谷亂窈窕眉峯修嫺誇連娟人間何有春一夢此身將老蠶三眠山
中幽絕不可久要作平地家居仙能令水石長在眼非君好我當誰緣願君終不

忘在莒樂時更賦囚山篇公自注柳子厚有四山賦

東川清絲寄魯冀州戲贈

鵝谿清絲清如冰上有千歲交枝藤藤生谷底飽風雪歲晚忽作龍虵升嗟我雖
為老侍從骨寒只受布與繒牀頭錦衾未還客坐覺芒刺在背膺豈如髯卿晚乃
貴福祿正似川方增醉中倒著紫綺裘下有半臂出縹綾封題不敢妄裁剪刀尺
自有佳人能遙知千騎出清曉積雪未放浮塵興白須紅帶柳絲下老弱空巷人
相登但放奇紋出領袖吾髯雖老無人憎

寄蔡子華

蔡子華名襄眉之清神人成都帖有詩敘云王十六秀才將歸蜀云子華宣德蔡丈見託求詩夢中為作四句覺而成之以寄子華

仍請以示楊君素王慶源二
老人元祐五年二月七日

故人送我東來時手栽荔子待我歸荔子已丹吾髮白猶作江南未歸客江南春
盡水如天腸斷西湖春水船想見青衣江畔路白魚紫筍不論錢霜髯三老如霜
檜舊交零落今誰輩莫從唐舉問封侯但遺麻姑更爬背

介亭餞楊傑次公

籃輿西出登山門嘉與我友尋仙村丹青明滅風篁嶺環珮空響桃花源公自注

介亭山下前朝欲上已蠟屐黑雲白雨如傾盆今晨積霧卷千里豈畏觸熱生病

根在家頭陀無為子久與青山為弟昆孤峯盡處亦何有西湖鏡天江抹坤臨高
揮手謝好住清風萬壑傳其言風回響答君聽取我亦到處隨君軒

安州老人食蜜歌

公自注贈僧仲殊施注僧仲殊常啖蜜陸務觀云族伯父

彥遠言少時識仲殊長老東坡為作安州老人食蜜歌者一日與數客過之所食皆蜜也豆腐麵筋牛乳之類皆漬蜜食之客多不能下筋惟東坡性亦酷嗜蜜不能與之共飽崇寧中忽上堂辭衆是夕閉方丈門自縊滅火舍利五色不可勝計鄒忠公為作詩云逆行天莫測維作瀆中經溫滅風前質蓮開少為士人遊蕩不羈為妻投毒羹戲中幾死啖蜜而解醫聽復家肉則毒發不可療遂棄家為浮屠鄒公所謂誰家曲者謂其雅工於樂府詞猶有不羈餘習也

安州老人心似鐵老人心肝小兒舌不食五穀惟食蜜笑指蜜蜂作檀越蜜中有
詩人不知千花百草爭含姿老人咀嚼時一吐還引世閒癡小兒小兒得詩如得

蜜。蜜。中。有。藥。治。百。疾。正。當。狂。走。捉。風。時。一。笑。看。詩。百。憂。失。東。坡。先。生。取。人。廉。幾。人。
相。歡。幾。人。嫌。恰。似。飲。茶。甘。苦。雜。不。如。食。蜜。中。邊。甜。因。君。寄。與。雙。龍。餅。鏡。空。一。照。雙。
龍。影。三。吳。六。月。水。如。湯。老。人。心。似。雙。龍。井。

送張嘉州

少年不願萬戶侯亦不願識韓荆州頗願身為漢嘉守載酒時作凌雲游虛名無
用今白首夢中卻到龍泓口浮雲軒冕何足言惟有江山難入手峨眉月半輪
秋影入平羌江水流謫仙此語誰解道請看見月時登樓笑談萬事真何有一時
付與東巖酒公自注佛峽人家白酒舊有名歸來還受一大錢好意莫違黃髮叟

送江公著知吉州

三吳行盡千山水猶道桐廬更清美豈惟濁世隱狂奴時平亦出佳公子初冠惠
文讀城旦晚入奉常陪劍履方將華省起彈冠忽憶釣臺歸洗耳未應良木棄大
匠要使名駒試千里奉親官舍當有擇得郡江南差可喜白粲連檣一萬艘紅妝

執樂三千指簿書期會得餘閒亦念人生行樂耳

公自注二耳義不同故得重用

與葉淳老侯敦夫張秉道同相視新河秉道有詩次韻二首

施注浙江潮自海門東來勢如

雷震而浮山峙於江中與魚浦諸山犬牙相錯洑激射歲敗公私議自

可勝計前知信州侯臨葬親杭之南蕩往來相視地形復講求建議自

以浙江上流地名石門并山而東鑿為運河引之大江及谿谷諸水二抵小嶺

鑿嶺六十五丈以達於古河浚使葉溫叟轉運判官張璠同往按視浮山之

嶺人皆以為傾時公與前轉運使葉溫叟轉運判官張璠同往按視浮山之

言遂奏疏以聞乞令三省看詳支賜錢物委臨監督而公以是月召還以

通者非北杭人名為蘇公堤故云我鑿西湖還舊觀也瀉老溫叟字敦夫臨字張

乘道乃吳興六客

君不見元帥府前羅萬戟濤頭未順千弩射至今鳳凰山下路長借一箭開兩翼

我鑿西湖還舊觀一眼已盡西南碧又將回奪浮山嶮千艘夜下無南北坐陳三
策本人謀惟留一諾待我畫老病思歸真暫寓功名如幻終何得從來自笑畫蛇
足此事何殊食雞肋憐君嗜好更迂闊得我新詩喜折屐江湖羸了我竟歸餘事

後來當潤色一菴閑臥洞霄宮并有丹砂水長赤

荆溪父老愁三害下斬長蛟本無賴平生倔強韓退之文字猶爲鱷魚戒石門之役萬金耳首鼠不爲吾已隘江湖開塞古有數兩鵠飛來告成壞勸農使者非常人一言已破黎民駭上饒使君更超軼坐睨浮山如累塊髯張乃我結轡生詩酒淋漓出狂怪我作水衡君作丞他日歸朝同此拜

椶筍並引

椶筍狀如魚剖之得魚子味如苦筍而加甘芳蜀人以饌佛僧甚貴之而南方不知也筍生膚毳中蓋花之方孕者正二月間可剝取過此苦澀不可食矣取之無害於木而宜於飲食法當蒸熟所施略與筍同蜜煮酢浸可致千里外今以餉殊長老

贈君木魚三百尾中有鵝黃子魚子夜叉剖瘦欲分甘籟龍藏頭敢言美願隨蔬果得自用勿使山林空老死問君何事食木魚烹不能鳴固其理

次韻曹子方運判雪中同遊西湖

詞源灩灩波頭展清唱一聲巖谷滿未容雪積句先高豈獨湖開心自遠雲山已作歌眉淺山下碧流清似眼尊前侑酒只新詩何異書魚餐蠹簡

西湖秋涸東池魚窘甚因會客呼網師遷之西池爲一笑之樂夜歸被酒不能寐戲作放魚一首

東池浮萍半黏塊裂碧跳青出魚背西池秋水尙涵空舞闊搖深吹荇帶吾僚有意爲遷居老守縱饞那忍膾縱橫爭看銀刀出滷潏初驚玉花碎但愁數罟損鱗鬣未信長堤隔濤瀨濺濺發發須臾閒圍圍洋洋尋丈外安知中無蛟龍種尙恐或有風雲會明年春水漲西湖好去相忘渺淮海

復次放魚韻答趙承議陳教授

擾擾萬生同一塊搶榆不羨培風背青邱已吞雲夢芥黃河復繚天門帶長譏韓子隘且陋一飽鯨鯢何足膾東坡也是可憐人披抉泥沙收細碎逝將歸修一作

八節灘又欲往釣七里瀨正似此魚逃網中未與造物遊數外且將新句調二子
湖上秋高風月會爲君更喚木腸兒脚扣兩舷歌小海

六觀堂老人草書

公自注六觀取金剛經夢幻等六物也老人僧了性精於醫而善草書下筆有遠韻而人莫知貴故作此詩

物生有象象乃滋夢幻無根成斯須方其夢時了非無泡影一失俯仰殊清露未
晞電已徂此滅滅盡乃真吾云如死灰實不枯逢場作戲三昧俱化身爲醫忘其
軀草書非學聊自娛落筆已喚周越奴蒼鼠奮髯飲松腴剡藤玉板開雪膚遊龍
天飛萬人呼莫作羞澀羊氏姝

聚星堂雪

並引

元祐六年十一月一日禱雨張龍公得小雪與客會飲聚星堂忽憶歐陽
文忠公作守時雪中約客賦詩禁體物語於艱難中特出奇麗爾來四十
餘年莫有繼者僕以老門生繼公後雖不足追配先生而賓客之美殆不
減當時公之二子又適在郡故輒舉前令各賦一篇

窗前暗響鳴枯葉龍公試手行初雪映空先集疑有無作態斜飛正愁絕衆賓起
舞風竹亂老守先醉霜松折恨無翠袖點橫斜祇有微燈照明滅歸來尙喜更鼓
永晨起不待鈴索掣未嫌長夜作衣稜卻怕初陽生眼纈欲浮大白追餘賞幸有
回飆驚落屑模糊檜頂獨多時歷亂瓦溝裁一瞥汝南先賢有故事醉翁詩話誰
續說當時號令君聽取白戰不許持寸鐵

喜劉景文至

天明小兒更傳呼髯劉已到城南隅尺書真是髯手迹起坐熨眼知有無今人不
作古人事今世有此古丈夫我聞其來喜欲舞病自能起不用扶江淮旱久塵土
惡朝來清雨濯鬢鬢相看握手了無事千里一笑無乃迂平生所樂在吳會老死
欲葬杭與蘇過江西來二百日冷落山水愁吳姝新堤舊井各無恙參寥六一豈
念吾別後新詩巧摹寫袖中知有錢塘湖

前十二句喜劉至後八句念蘇杭舊遊以劉自杭來也

送歐陽季默赴闕

先生豈止一懷祖郎君不減王文度膝上幾日今白須令我眼中見此父汝南相
從三晦朔君去苦早我來暮霜風淒緊正脫木穎水清淺可立鷺莫辭白酒瀉香
泉已覺扁舟掠新渡坐看士衡執別手更遣夢得出奇句郎君可是筦庫人乃使
騾驢隨蹇步置之行矣無足道賢愚豈在遇不遇

用前韻作雪詩留景文

萬松嶺上黃千葉載酒年年踏松雪劉郎去後誰復來花下有人心斷絕東齋夜
坐搜雪句兩手龜坼霜須折無情豈亦畏嘲弄穿簾入戶吹燈滅紛紛兒女爭所
似碧海長鯨君未掣朝來雲漢接天流顧我小詩如點纈歐陽趙陳在戶外急掃
中庭鋪木屑交遊雖似雪柏堅聚散行作風花瞥晴光融作一尺泥歸有何事真
無說泥乾路穩放君去莫倚馬蹏如踣鐵

次前韻送劉景文

白雲在天不可呼明月豈肯留庭隅怪君西行八百里清坐十日一事無路人不

識呼尚書但見凜凜雄千夫公自注君一馬兩僕率然相訪也豈知入骨愛詩酒醉

倒正欲蛾眉扶一篇向人寫肝肺四海知我霜鬢須公自注君前有詩見寄云四

無花歐陽趙陳皆我有豈謂夫子駕復迂邇來又見三黜柳共此暖熱餐氎蘇酒肴

酸薄紅粉暗祇有穎水清而妹一朝寂寞風雨散對影誰念月與吾公自注郡中

過賓客之盛頃所未有然又數日叔弼景文戒之皆去矣何時歸帆泝江水春酒

一變甘棠湖公自注景文近湖

蠟梅一首贈趙景貺

天工點酥作梅花此有蠟梅禪老家蜜蜂採花作黃蠟取蠟爲花亦其物天工變
化誰得知我亦兒嬉作小詩君不見萬松嶺上黃千葉玉蕊檀心兩奇絕醉中不
覺渡千山夜聞梅香失醉眠歸來卻夢尋花去夢裏花仙覓奇句此閒風物屬詩
人我老不飲當付君君行適吳我適越笑指西湖作衣鉢

閻立本職貢圖

正觀之德表萬邦浩如滄海吞河江音容儻服奇厖橫絕嶺海逾濤瀧珍禽瑰
產爭牽扛名王解辯卻蓋幢粉本遺墨開明窗我喟而作心未降魏徵封倫恨不
雙

次韻王滁州見寄

斯人何似似春雨歌舞農夫怨行路君看永叔與元之坎軻一生遭口語兩翁當
年鬢未絲玉堂揮翰手如飛教得滁人解吟詠至今里巷嘲輕肥君家聯翩盡卿
相獨來坐歎谿山上笑捐浮利一雞肋多取清名幾熊掌丈夫自重貴難售兩翁
今與青山久後來太守更風流要伴前人作詩瘦我倦承明苦求出到處遺蹤尋
六一憑君試與問琅邪許我來游莫難色

次韻徐仲車

惡衣惡食詩愈好恰是霜松嘯春鳥蒼蠅莫亂遠雞聲世上誰知一作公覺早八
年看我走三州公自注元豐八年予赴揚州皆見仲車月自當空水自流人間擾擾真

螻螳應笑人呼作鬪牛

在穎州與德麟同治西湖未成改揚州三月十六日湖成德麟有詩見懷次

其韻

太山秋毫兩無窮鉅細本出相形中大千起滅一塵裏未覺杭穎誰雌雄公自注

與杭爭雄我在錢塘拓湖淥大堤士女爭昌丰六橋橫絕天漢上北山始與南屏通忽

驚二十五萬丈老葑席卷蒼雲空竭來穎尾弄秋色一水縈帶昭靈宮坐思吳越

不可到借君月斧修瞳隴二十四橋亦何有換此十頃玻璃風雷塘水乾禾黍滿

寶釵耕出餘鸞龍明年詩客來弔古伴我霜夜號秋蟲公自注德麟見約來揚寄

句辨杭穎之雌雄我在六句敘在杭堤竭

再次韻德麟新開西湖

使君不用山鞠窮飢民自逃泥水中欲將百瀆起凶歲公自注予以穎人苦飢奏

溝力浚詔許之因以免使甌石愁揚雄西湖雖小亦西子縈流作態清而丰千夫餘

力起三閘焦陂下與長淮通十年憔悴塵土窟清瀾一洗唬痕空王孫本自有仙
骨平生宿衛明光宮一行作吏人不識正似雲月初朦朧時臨此水照冰雪莫遣
白髮生秋風定須卻致兩黃鵠新與上帝開濯龍湖成君歸侍帝側燈花已綴釵
頭蟲

次韻鼂無咎學士相迎

少年獨識鼂新城閉門卻掃卷旆旌胸中自有談天口坐卻秦軍發墨守有子不
爲謀置錐虹霓吞吐忘寒飢端如太史牛馬走嚴徐不敢連尻雕裴回未用疑相
待枉尺知君有家戒避人聊復去瀛洲伴我真能老淮海夢中仇池千仞巖便欲
攬我青霞幘且須還家與婦計我本歸路連西南老人飲酒無人佐獨看紅藥傾
白墮每到平山憶醉翁懸知他日君思我路傍小兒笑相逢齊歌萬事轉頭空賴
有風流賢別駕猶堪十里卷春風

聞林夫當徙靈隱寺寓居戲作靈隱前一首

靈隱前天竺後兩澗春淙一靈鷲不知水從何處來跳波赴壑如奔雷無情有意
兩莫測肯向冷泉亭下相縈回我在錢塘六百日山中暫來不暖席今君欲作靈
隱居葛衣草屨隨僧蔬能與冷泉作主一百日不用二十四考書中書

送鼂美叔發運右司年兄赴闕

我年二十無朋儔當時四海一子由君來扣門如有求頎然鶴骨清而修醉翁遣
我從子游翁如退之蹈軻邱尙欲放子出一頭公自注嘉祐初與子由寓興國浴
室美叔忽見訪云吾從歐陽公遊

久矣公令我來與子定交謂子必名世老夫亦須放他出一頭地按子由志先生墓亦云

酒醒夢斷四十秋病鶴不病骨愈蚪

惟有我顏老可羞醉翁賓客散九州幾人白髮還相收我如懷祖拙自謀正作尙
書已過優君求會稽實良籌往看萬壑爭交流公自注美叔方乞越

送程德林赴眞州

君爲縣令元豐中吏貪功利以病農君欲言之路無從移書諫臣以自通公自注
諫臣蹇
受之元豐天子爲改容我時匹馬江西東問之逆旅言頗同老人愛君如劉寵小

兒敬君如魯恭爾來明日達四聰收拾駟駿冀北空君為赤令有古風政聲直入
明光宮天廡如海養羣龍並收其子豈不公公自注君之子祁舉制策文學行義為時所稱白沙何必煩
此翁

召還至都門先寄子由

老身倦馬河堤永踏盡黃榆綠槐影荒雞號月未三更客夢還家時一頃歸老江
湖無歲月未填溝壑猶朝請黃門殿中奏事罷詔許來迎先出省已飛青蓋在河
梁定餉黃封兼賜茗遠來無物可相贈一味豐年說淮穎

近以月石硯屏獻子功中書公復以涵星硯獻純父侍講子功有詩純父未

也復以月石風林屏贈之謹和子功詩並求純父數句

紫潭出玄雲翳我潭中星獨有潭上月倒挂紫翠屏我老不看書默坐養此昏花
睛時時一開眼見此雲月眼自明久知世界一泡影大小真偽何足評笑彼三子
歐梅蘇無事自作雪羽爭公自注事見三人詩集故將屏硯送兩范要使珠璧栖窗櫺大范

忽長謠語出月脇令人驚施注月脇用皇甫湜若穿天心出月脇語小范當繼之說破星心如雞鳴施注

孟郊聞雞詩似開孤月口能說落星心牀頭復一月下有風林橫急送小范家護此涵心泓願從少

陵博一句山木盡與洪濤傾

次韻范純父涵心硯月石風林屏詩

月次於房歷三星斗牛不神箕獨靈簸搖桑榆盡西靡影落蘇子硯與屏天工與
我兩厭事孰居無事為此形與君持橐侍帷幄同到溫室觀堯莫自憐太史牛馬
走伎等卜祝均倡伶欲留衣冠挂神武便擊雲水歸南溟陶泓不稱管城沐醉石
可助平泉醒故持二物與夫子欲使妙質留天庭但令滋液到枯槁勿遣光景生
晦冥上書挂名豈待我獨立自可當雷霆我時醉眠風林下夜與漁火同青熒撫
物懷人應獨歎作詩寄子誰當聽

次韻吳傳正枯木歌施注吳傳正名安詩父克相神宗傳正元祐中為右司諫與劉器之同攻蔡確竄荒服遷左史攝西掖坐草蘇

黃門知汝州詞溢美罷去後為子累編置湘中詩中有龍眠居士本詩人指李伯時也

天工水墨自奇絕。瘦竹枯松寫殘月。夢回疏影在東窗。驚怪霜枝連夜發生成。變壞一彈指。乃知造物初無物。古來畫師非俗士。妙想實與詩同出。龍眠居士本詩人。能使龍池飛霹靂。君雖不作丹青手。詩眼亦自工識拔。龍眠胸中有千駟。不獨畫肉兼畫骨。但當與作少陵詩。或自與君拈秃筆。東南山水相招呼。萬象入我摩尼珠。盡將書畫散朋友。獨與長鋏歸來乎。

書晁說之考牧圖後

我昔在田閒。但知羊與牛。川平牛背穩。如駕百斛舟。舟行無人岸。自移我臥讀書。牛不知。前有百尾羊。聽我鞭聲如鼓聲。我鞭不妄發。視其後者而鞭之。澤中草木長。草長病牛羊。尋山跨坑谷。騰趲筋骨強。煙簑雨笠長林下。老去而今空見畫。世間馬耳射東風。悔不長作多牛翁。

書丹元子所示李太白真

天人幾何同一漚。謫仙非謫乃其游。麾斥八極隘九州。化爲兩鳥鳴相酬。一鳴一

止。三千秋。開元有道爲少留。縻之不可矧。肯求西望太白橫。峨岷眼高四海空。無人大兒汾陽中。令君小兒天台坐。忘身平生不識高。將軍手污吾足。乃敢曠作詩一笑。君應聞。

雪浪石

太行西來萬馬屯。勢與岱嶽爭雄尊。飛狐上黨天下脊。半掩落日先黃昏。削成山東二百郡。氣壓代北三家村。千峰石卷蠹牙帳。崩崖鑿斷開土門。竭來城下作飛石。一礮驚落天驕魂。承平百年烽燧冷。此物僵臥枯榆根。畫師爭摹雪浪勢。天工不見雷斧痕。離堆四面繞江水。坐無蜀士誰與論。老翁兒戲作飛雨。把酒坐看珠跳盆。此身自幻孰非夢。故國山水聊心存。

石芝

並引

予嘗夢食石芝作詩記之。今乃真得石芝於海上。子由和前詩見寄。予頃在京師有鑿井得如小兒手以獻者。臂指皆具膚理。若生予聞之。隱者此

肉芝也與子由烹而食之追記其事復次前韻

土中一掌嬰兒新爪指良是肌骨勻見之怖走誰敢食天賜我爾不及賓旌陽遠
遊同一許長史玉斧皆門戶我家韋布三百年祇有陰功不知數跪陳八簋加六
瑚化人視之真塊蘇肉芝烹熟石芝老笑唾熊掌嘖雕胡老蠶作繭何時脫夢想
至人空激烈古來大藥亦可求真契當如磁石鐵

鶴歎

園中有鶴馴可呼我欲呼之立坐隅鶴有難色側睨予豈欲臆對如鵬乎我生如
寄良畸孤三尺長脰閣瘦軀俛啄少許便有餘何至以身爲子娛驅之上堂立斯
須投以餅餌視若無戛然長鳴乃下趨難進易退我不如

送曾仲錫通判如京師

邊城歲暮多風雪強壓春醪與君別玉帳夜談霜月苦鐵騎曉出冰河裂斷蓬飛
葉卷黃沙祇有千林鬢鬆花應爲王孫朝上國珠幢玉節與排衙左援公孝右孟

博我居其間嘯且諾僕夫爲我催歸來要與北海春水爭先回

次韻子由清汝老龍珠丹

天公不解防癡龍玉函寶方出龍宮雷霆下索無處避逃入先生衣袂中先生不
作金椎袖玩世徜徉隱屠酒夜光明月空自投一鍛何勞緯蕭手黃門寡好心易
足荆棘不生梨棗熟玄珠白璧兩無求無脛金丹來入腹區區分別笑樂天那知
空門不是仙

次韻子由書清汝老所傳秦湘二女圖

春風消冰失瑤玉我本無身安有觸羊生得婦如得風握手一笑未爲辱先生室
中無天遊佩環何處鳴風甌隨魔未必皆魔女但與分燈遣歸去胡爲寫眞傳世
人更要維摩一轉語丹元茅茨祇三閒太極老人時往還點檢凡心早除拂方平
神鞭常使物

子由生日以檀香觀音像及新合印香銀篆槃爲壽一首

旃檀婆律海外芬西山老臍柏所薰香螺脫屣來相羣能結縹緲風中雲一燈如
螢起微焚何時度盡繆篆紋繚繞無窮合復分絲絲浮空散氤氳東坡持是壽卯
君君少與我師皇墳旁資老聃釋迦文共厄中年點蠅蚊晚遇斯須何足云君方
論道承華勛我亦旗鼓嚴中軍國恩未報敢不勤但願不為世所醺爾來白髮不
可耘問君何時返鄉粉收拾散亡理放紛此心實與香俱君聞思大士應已聞

子由新修汝州龍興寺吳畫壁

施注韻語陽秋汝州龍興寺吳道子畫兩壁一壁作維摩示疾文殊來問天女散花一壁

作太子游四門釋迦降魔筆法奇絕子由曾施百緣

丹青久衰工不藝人物尤難到今世每摹市井作公卿畫手懸知是徒隸吳生已
與不傳死那復典刑留近歲人間幾處變西方盡作波濤翻海勢細觀手面分轉
側妙算毫釐得天契始知真放本精微不比狂花生客慧似聞遺墨留汝海古壁
蝸涎可垂涕力捐金帛扶棟宇錯落浮雲卷新霽使君坐歎清夢餘幾疊衣紋數
衿袂他年弔古知有人姓名聊記東坡弟

六月七日泊金陵阻風得鍾山泉公書寄詩為謝

今日江頭天色惡礮車雲起風欲作獨望鍾山喚寶公林間白塔如孤鶴寶公骨
冷喚不聞卻有老泉來喚人電眸虎齒霹靂舌為予吹散千峯雲南行萬里亦何
事一酌曹溪知水味他年若畫蔣山圖仍作泉公喚居士

江西一首

江西山水真吾邦白沙翠竹石底江舟行十里磨九龍篙聲犖确相舂撞醉臥欲
醒聞淙淙真欲一口吸老龐何人得儁窺魚缸舉叉絕叫尺鯉雙

秧馬歌

並引

過廬陵見宣德郎致仕曾君安止出所作禾譜文既溫雅事亦詳實惜其
有所缺不譜農器也予昔遊武昌見農夫皆騎秧馬以榆棗為腹欲其滑
以楸桐為背欲其輕腹如小舟昂其首尾背如覆瓦以便兩髀雀躍於泥
中繫束藁其首以縛秧日行千畦較之偃僂而作者勞佚相絕矣史記禹

乘四載泥行乘橇解者曰橇形如箕擿行泥上豈秧馬之類乎作秧馬歌一首附於禾譜之末云

春雲濛濛雨淒淒春秋秧欲老翠剡齊嗟我婦子行水泥朝分一壠暮千畦腰如篋
後首啄雞筋煩骨殆聲酸嘶我有桐馬手自提頭尻軒昂腹脇低背如覆瓦去角
圭以我兩足為四蹠聳踊滑汰如鳧鷖纖纖束藁亦可齎何用繁纓與月題卻從
畦東走畦西山城欲閉聞鼓鞞忽作的盧躍檀溪歸來挂壁從高栖了無芻秣飢
不噉少壯騎汝逮老鰲何曾蹶軼防顛墜一作擠錦鞫公子朝金閨笑我一生蹋牛
犁不知自有木馱隄

月華寺 公自注寺鄰岑水場施者皆坑戶也百年開蓋三焚矣

天公胡為不自憐結土融石為銅山萬人探斲富媪泣祇有金帛資豪姦脫身獻
佛意可料一瓦坐待千金還月華三火豈天意至今菱舍依榛菅僧言此地本龍
象興廢反掌曾何艱高巖夜吐金碧氣曉得異石青爛斑坑流窟發錢湧地莫施

百鎰朝千鍤此山出寶以自賊地脈已斷天應慳我願銅山化南畝爛漫黍麥蘇
惇鰥道人修道要底物破鐺煮飯茹三間

游羅浮山一首示兒子過

人間有此白玉京羅浮見日雞一鳴公自注劉夢得有詩記羅浮夜半見南樓未
必齊日觀鬱儀自欲朝朱明公自注山有二石樓今延祥寺在南樓下東坡之師

抱朴老真契久已交前生玉堂金馬久流落寸田尺宅今誰耕道華亦嘗啖一棗

公自注唐永樂道士侯道華竊食鄧天師藥仙去永樂有契虛正欲仇三彭注唐無核棗人不可得道華獨得之予在岐下亦嘗得一枚契虛正欲仇三彭
僧契虛遇人導游稚川仙府真人間鐵橋石柱連空橫公自注山有鐵橋杖藜欲

趁飛猱輕雲谿夜逢瘖虎伏公自注山有斗壇畫出銅龍吟公自注冲虛觀後有

壇上獲銅龍小兒少年有奇志中宵起坐存黃庭近者戲作凌雲賦筆勢彷彿離

騷經負書從我盍歸去羣仙正草新宮銘汝應奴隸蔡少霞我亦季孟山玄卿公

注唐有夢書新宮銘者云紫陽真人山玄卿撰其略曰良常西麓原澤東泄新宮宏宏崇軒轅轍又有蔡少霞者夢人遣書碑略曰昔乘魚車今履瑞雲躡空仰塗

綺翰輪囷其末題云五雲書閣吏蔡少霞書 還須略報老同叔。羸糧萬里尋初平。公自注子由一字同叔

寓居合江樓

海上蔥曠氣佳哉。二江合處朱樓開。蓬萊方丈應不遠。肯為蘇子浮江來。江風初涼睡正美。樓上唳鴉呼我起。我今身世兩相違。西流白日東流水。樓中老人日清新。天上豈有癡仙人。三山咫尺不歸去。一杯付與羅浮春。公自注予家釀酒名羅浮春

十一月二十六日松風亭下梅花盛開。按年譜先生以紹聖元年十月三日

春風嶺上淮南村。昔年梅花曾斷魂。公自注予昔赴黃州春風亭道上賦詩云去年今

日關山路細雨 豈知流落復相見。蠻風蜚雨愁黃昏。長條半落荔枝浦。臥樹獨秀

桃榔園。豈惟幽光留夜色。直恐冷豔排冬温。松風亭下荆棘裏。兩株玉蘂明朝嗽海南。仙雲嬌墮砌月下。縞衣來扣門。酒醒夢覺起。繞樹妙意有在終。無言先生獨飲。勿歎息。幸有落月窺清樽。

再用前韻

羅浮山下梅花村。玉雪為骨冰為魂。紛紛初疑月挂樹。耿耿獨與參橫昏。先生索

居江海上。悄如病鶴栖荒園。天香國豔肯相顧。知我酒熟詩清温。蓬萊宮中花鳥

使綠衣。倒挂扶桑嗽。公自注嶺南珍禽有倒挂子綠衣紅喙如鸚鵡而小白海東來非塵埃中物也 抱叢窺我方醉。臥故

遣啄木先敲門。麻姑過君急掃灑。鳥能歌舞花能言。酒醒人散山寂寂。惟有落蘂

粘空樽。

花落復次前韻

玉妃謫墮煙雨村。先生作詩與招魂。人間草木非我對。奔月偶桂成幽昏。暗香入

戶尋短夢。青子綴枝留小園。披衣連夜喚客飲。雪膚滿地聊相温。松明照坐愁不

睡。井花入腹清而嗽。先生來年六十化。道眼已入不二門。多情好事餘習氣。惜花

未忍都無言。留連一物吾過矣。笑領百罰空疊樽。

追錢正輔表兄至博羅賦詩為別

孤臣南游墮黃菅。君亦何事來牧蠻。蟻舟蜚戶龍岡窟。置酒椰葉桃榔間。高談已

笑衰語陋傑句尤覺清詩孱博羅小縣僧舍古我不忍去君忘還君應回望秦與
楚夢涉漢水愁秦關我亦坐念高安客神游黃蘗參洞山何時曠蕩洗瑕垢與君
歸駕相追攀梨花寒食隔江路兩山遙對雙煙鬢歸耕不用一錢物惟要兩脚飛
孱顏玉牀丹鏃記分我助我金鼎光爛斑

再用前韻

樂天雙鬢如霜菅始知謝遺素與蠻我兄綠髮蔚如故已了夢幻齊人間蛾眉勸
酒聊爾耳處仲太忍茂弘孱三杯徑醉便歸臥海上知復幾往還連娟六么趁蹋
鞠杳杳三疊滎陽關酒醒夢斷何所有落花流水空青山忽驚饒鼓發半夜明月
不許幽人攀贈行無物惟一語莫遣瘴霧侵雲鬢羅浮道人一傾蓋欲擊白日留
君顏應知我是香案吏他年許綴蓬萊班

游博羅香積寺 並引

寺去縣七里三山犬牙夾道皆美田麥禾甚茂寺下谿水可作碓磨若築

塘百步開而落之可轉兩輪舉四杵也以屬縣令林抃使督成之

二年流落龜魚鄉朝來喜見麥吐芒東風搖波舞淨綠初日泫露酣嬌黃汪汪春
泥已沒膝剡剡秋穀初分秧誰言萬里出無友見此二美喜欲狂三山屏擁僧舍
小一谿雷轉松陰涼要令水力供白磨與相地脈增隄防霏霏落雪看收麪也隱

隱疊鼓聞春糠也散流一啜雲子白也炊裂十字瓊肌香也豈惟牢九薦古味也

公自注東督餅賦饅頭薄持起搜牢九要使真一流天漿也詩成捧腹便絕倒書生說食真膏肓 六首

句敘麥禾之美誰言六句因見麥禾溪水而謀及白磨末八句豔說飽食麥禾之味

四月初食荔支

南村諸楊北村盧 公自注謂楊梅盧橋也白華青葉冬不枯垂黃綴紫煙雨裏特與荔支為

先驅海山仙人絳羅襦紅紗中單白玉膚不須更待妃子笑風骨自是傾城姝不

知天公有意無遺此尤物生海隅雲山得伴松檜老霜雪自困檀梨麤先生洗盞

酌桂醕冰盤薦此蘋虬珠似聞江縠斫玉柱更洗河豚烹腹腴 公自注予嘗謂荔支厚味高格兩絕

果中無比惟江鱸
柱河豚魚近之耳我。生。涉。世。本。為。口。一。官。久。已。輕。尊。鱸。人。間。何。者。非。夢。幻。南。來。萬。

里。真。良。圖。

荔支歎

十里一置飛塵灰五里一候兵火催顛坑仆谷相枕籍知是荔支龍眼來飛車跨
山鵲橫海風枝露葉如新採宮中美人一破顏驚塵濺血流千載永元荔支來交
州天寶歲貢取之涪至今欲食林甫肉無人舉觴酌伯游公自注漢永元中交州

五里一候奔騰死亡羅猛獸毒蛇之害者無數唐羌字伯游為林武
長上書言狀和帝罷之唐天寶中蓋取涪州荔支自子午谷路進入我願天公憐

赤子莫生尤物為瘡瘡雨順風調百穀登民不飢寒為上瑞君不見武夷溪邊粟

粒芽前丁後蔡相節加公自注大小龍茶始於丁晉公成於蔡君謨歐陽永叔
聞君謨進小龍團驚歎曰君謨士人也何至此事爭

新買寵各出意今年鬪品充官茶公自注今年閩中監
司乞進鬪茶許之吾君所乏豈此物致養口

體何陋邪洛陽相君忠孝家可憐亦進姚黃花公自注洛下貢花自錢惟演始
後八句區荔支而歎貢茶貢花之

弊

同正輔表兄游白水山

偉。哉。造。物。真。豪。縱。攬。土。搏。沙。為。此。弄。擘。開。翠。峽。走。雲。雷。截。破。奔。流。作。潭。洞。因。隨。化。

人。履。巨。迹。得。與。仙。兄。躡。飛。輶。曳。杖。不。知。巖。谷。深。穿。雲。但。覺。衣。裘。重。坐。看。驚。鳥。救。霜。

葉。知。有。老。蛟。蟠。石。甕。金。沙。玉。礫。粲。可。數。古。鏡。寶。匳。寒。不。動。念。兄。獨。立。與。世。疏。絕。境。

難。到。惟。我。共。永。辭。角。上。兩。蠻。觸。一。洗。胸。中。九。雲。夢。浮。來。山。高。回。望。失。武。陵。路。絕。無。

人。送。筠。籃。擷。翠。爪。甲。香。素。纒。分。碧。銀。餅。凍。歸。路。霏。霏。湯。谷。暗。野。堂。活。活。神。泉。湧。解。

衣。浴。此。無。垢。人。身。輕。可。試。雲。間。鳳。

次韻正輔同游白水山

祇。知。楚。越。為。天。涯。不。知。肝。膽。非。一。家。此。身。如。綫。自。縈。繞。左。旋。右。轉。隨。繅。車。誤。拋。山。

林。入。朝。市。平。地。咫。尺。千。褒。斜。欲。從。稚。川。隱。羅。浮。先。與。靈。運。開。永。嘉。首。參。虞。舜。款。韶。

石。次。謁。六。祖。登。南。華。仙。山。一。見。五。色。羽謂有五色雀曾一至詹耳
庭中公後有五色雀詩雪。樹。兩。摘。南。枝。

花。赤。魚。白。蟹。箸。屢。下。黃。柑。綠。橘。籩。常。加。糖。霜。不。待。蜀。客。寄。荔。支。莫。信。閩。人。誇。恣。傾。

白蜜收五稜細斲黃土栽三椹公自注正輔分人參歸種詔陽來詩本用磬字惠州無書不見此字所出故且從木奉和朱明

洞裏得靈草翩然放杖凌蒼霞豈無軒車駕熟鹿亦有鼓吹號寒蛙仙人勸酒不

用勺石上自有樽疊窪徑從此路朝玉闕千里莫遺毫釐差故人日夜望我歸相

迎欲到長風沙豈知乘槎天女側獨倚雲機看織紗世間誰似老兄弟篤愛不復

相疵瑕相攜行到水窮處庶幾一見留子嗟千年枸杞嘗夜吠無數草棘工藏遮

但令凡心一洗濯神人仙藥不我遐山中歸來萬想滅豈復回顧雙雲鴉首八句言被塵

俗所纏縛欲為外物之游首參十句敘自到嶺南備歷諸勝朱明八句言自羅浮游白水故人至末十四句有飄逸出世之想

吾謫海南子由雷州被命即行了不相知至梧迺聞尚在藤也且夕當追及

作此詩示之

九。疑。聯。縣。屬。衡。湘。蒼。梧。獨。在。天。一。方。孤。城。吹。角。煙。樹。裏。落。日。未。落。江。蒼。茫。幽。人。拊。枕。坐。歎。息。我。行。忽。至。舜。所。藏。江。邊。父。老。能。說。子。白。須。紅。頰。如。君。長。莫。嫌。瓊。雷。隔。雲。海。聖。恩。尚。許。遙。相。望。平。生。學。道。真。實。意。豈。與。窮。達。俱。存。亡。天。其。以。我。為。箕。子。要。使

此意留要荒他年誰作輿地志海南萬古真吾鄉

夜夢 並引

七月十三日至儋州十餘日矣澹然無一事學道未至靜極生愁夜夢如

此不免以書自怡

夜夢嬉游童子如父師檢責驚走書計功當畢春秋餘今迺始及桓莊初怛然悸寤心不舒起坐有如挂鉤魚我生紛紛嬰百緣氣固多習獨此偏棄書事君四十年仕不顧一作願留書繞纏自視汝與邱孰賢易韋三絕邱猶然如我當以犀革編

聞子由瘦 公自注儋耳至難得肉

五日一見花猪肉十日一遇黃雞粥土人頓頓食藜芋薦以薰鼠燒蝙蝠舊聞蜜

啣嘗嘔吐稍近蝦蟆緣習俗十年京國厭肥瘠日日烝花壓紅玉從來此腹負將

軍公自注俗諺云大將軍食飽捫腹而歎曰我不負汝左今者固宜安脫粟人言

天下無正味唧蛆未遽賢麋鹿海康別駕復何為帽寬帶落驚僮僕相看會作兩

臞仙還鄉定可騎黃鶴

獨覺

瘴霧三年恬不怪反畏北風生體疥朝來縮頸似寒鴉燄火生薪聊一快紅波翻屋春風起先生默坐春風裏浮空眼纈散雲霞無數心花發桃李儵然獨覺午窗明欲覺猶聞醉鼾聲回首向來蕭瑟處也無風雨也無晴

過於海舶得邁寄書酒作詩遠和之皆粲然可觀子由有書相慶也因用其韻賦一篇並寄諸子姪

我似老牛鞭不動雨滑泥深四蹠重汝如黃犢走卻來海關山高百程送庶幾門戶有八慈不恨居鄰無二仲他年汝曹笏滿牀中夜起舞踏破甕會當洗眼看騰躍莫指癡腹笑空洞譽兒雖是兩翁癯積德已自三世種豈惟萬一許生還尙恐九十煩珍從六子晨耕篲瓢出衆婦夜績燈火共春秋古史乃家法詩筆離騷亦時用但令文字還照世糞土腐餘安足夢

真一酒歌 並引

布算以步五星不如仰觀之捷吹律以求中聲不如耳齊之審鉛汞以爲藥策易以候火不如天造之真也是故神宅空樂出虛踴踴者以氣升孰能推是類以求天造之藥乎於此有物其名曰真一遠游先生方治此道不飲不食而飲此酒食此藥居此堂予亦竊其一二故作真一之歌其辭曰

空中細莖插天芒不生沮澤生陵岡涉閱四氣更六陽森然不受螟與蝗飛龍御月作秋涼蒼波改色屯雲黃天旋雷動玉塵香起洩十裂照坐光跏趺牛噉安且詳動搖天關出瓊漿王公飛空丁女藏三伏遇井了不嘗釀爲真一和而莊三杯儼如侍君王湛然寂照非楚狂終身不入無功鄉

歐陽晦夫遺接離琴枕戲作此詩謝之

攜兒過嶺今七年晚塗更著黎衣冠白頭穿林要藤帽赤脚渡水須花縵不愁故

人驚絕倒但使俚俗相恬安見君合浦如夢寐挽須握手俱汎瀾妻縫接羅霧縠
細兒送琴枕冰微寒無絃且寄陶令意倒載猶作山公看我懷汝陰六一老眉宇
秀發如春鬢羽衣鶴氅古仙伯岌岌兩柱扶霜紈至今畫像作此服凜如退之加
渥丹爾來前輩皆鬼錄我亦帶脫巾欵寬作詩頗似六一語往往亦帶梅翁酸六首
句自敘至嶺南後冠服見君六
句敘送冠枕末十句有懷歐梅

韋偃牧馬圖

神工妙技帝所收江都曹韓逝莫留人間畫馬唯韋侯當年爲誰掃驊騮至今霜
蹠踏長楸圉人困臥沙壠頭沙苑茫茫蒺藜秋風驟霧鬣寒颼颼龍種尙與駑駘
游長楷短豆豈我羞八變六轡非馬謀古來西山與東邱

衆妙堂

湛然無觀古真人我獨觀此衆妙門夫物芸芸各歸根衆中得一道乃存道人晨
起開東軒趺坐一醉扶桑暎餘光照我玻瓈盆倒射窗几清而溫欲收月魄餐日

魂我自日月誰使吞

虔州景德寺榮師湛然堂

卓然精明念不起兀然灰槁照不滅方定之時慧在定定慧照寂非兩法妙湛總
持不動尊默然真入不二門語息則默非對語此話要將周易論諸方人人把雷
電不容細看真頭面欲知妙湛與總持更問江東三語掾

張競辰永康所居萬卷堂

君家四壁如相如卷藏天祿吞石渠豈惟鄴侯三萬軸家有世南行祕書兒童拍
手笑何事笑人空腹談經義未許中郎得異書且與揚雄說奇字清江縈山碧玉
環下有老龍千古閒知君好事家有酒化爲老人夜扣關留侯之孫書滿腹玉函
寶方何用讀濠梁空復五車多圯上從來一編足

老翁井

井中老翁悞年華白沙翠石翁之家公來無蹤去無迹井面團團水生花翁今與

世兩何與無事紛紛驚牧豎改顏易服與世同毋使世人知有翁

十八家詩鈔卷十五終

十八家詩鈔卷十六目錄

黃山谷七古百六十五首

送范德孺知慶州

次韻子瞻題郭熙畫秋山

伯時兼寄李德素

畫天馬

戲和文潛謝穆父松扇

送王郎

雙井茶送子瞻

子瞻以子夏邱明見戲聊復戲答

以雙井茶送孔常父

次韻戲答

次韻李之純少監惠硯

詠李伯時摹韓幹三馬次蘇子由韻簡

次韻子瞻和子由觀韓幹馬因論伯時

次韻錢穆父贈松扇

次韻王炳之惠玉板紙

送鄭彥能宣德知福昌縣

和答子瞻

省中烹茶懷子瞻用前韻

常父答詩有煎點徑須煩綠珠之句復

戲呈孔毅父

謝黃從善司業寄惠山泉 以團茶洮州綠石研贈無咎文潛

次韻答曹子方雜言 次韻子瞻武昌西山

謝送碾賜壑源揀芽 以小團龍及半挺贈無咎並詩用前韻

為戲 送謝公定作竟陵主簿

贈送張叔和 僧景宗相訪寄法王航禪師

謝王仲至惠洮州礪石黃玉印材 次韻子瞻詠好頭赤圖

觀伯時畫馬 記夢

次韻子瞻送李彥 次韻子瞻寄眉山王宣義

聽宋宗儒摘阮歌 博士王揚休碾密雲龍同事十三人飲

之戲作 答黃冕仲索煎雙井並簡揚休

再答冕仲 戲答陳元輿

再答元輿 演雅

戲答趙伯充勸莫學書及為席子澤解嘲

戲書秦少游壁 送少章從翰林蘇公餘杭

便糴王丞送碧香酒用子瞻韻戲贈鄭彥能

戲和答禽語 謝景叔惠冬笋雍酥水梨三物

再答景叔 出城送客過故人東平侯趙景珍墓

題也足軒 送石長卿太學秋補

次韻黃斌老所畫橫竹 戲詠子舟畫兩竹兩鸚鵡

題榮州祖元大師此君軒 青神縣尉廳葺城頭舊屋作借景亭下

瞰史家園水竹終日寂然了無人迹又當大木綠陰之間戲作長句奉呈

信孺明府介卿少府 戲贈家安國

和王觀復洪駒父謁陳無己長句 王充道送水仙花五十枝欣然會心為

之作詠 庭堅以去歲九月至鄂登南樓歎其制

作之美成長句久欲寄遠因循至今書呈公悅

題蓮華寺

送密老住五峯

武昌松風閣

次韻文潛

次韻元實病目

花光仲仁出秦蘇詩卷思兩國士不可

復見開卷絕歎因花光爲我作梅數枝及畫煙外遠山追少游韻記卷末

書磨崖碑後

太平寺慈民閣

題淡山巖二首

明遠庵

戲答歐陽誠發奉議謝予送茶歌

和范信中寓居崇寧遇雨二首

清江引

還家呈伯氏

流民歎

次韻答張沙河

古風次韻答初和甫二首

次韻答和甫盧泉水三首

贈趙言

次韻晁補之廖正一贈答詩

再次韻呈廖明略

走答明略適堯民來相約奉謁故篇末

及之

答明略並寄無咎

再次韻呈明略並寄無咎

再答明略二首

次韻謝子高讀淵明傳

次韻孔著作早行

次韻無咎園子常攜琴入村

贈張仲謀

送薛樂道知鄖鄉

對酒歌答謝公靜

戲贈彥深

和謝公定征南謠

和答梅子明王揚休點密雲龍

送劉道純

次韻子瞻春菜

六舅以詩來覓銅犀用長句持送舅氏

學古之餘復味禪說故篇末及之

次韻子瞻與舒堯文禱雪霧豬泉倡和

答王道濟寺丞觀許道寧山水圖

聽崇德君鼓琴

次韻答楊子聞見贈

答永新宗令寄石耳

寄張宜父

高至言築亭於家圃以奉親總其觀覽

之富命曰溪亭乞余賦詩余先君之敝廬望高子所築不過十牛鳴爾故

余未嘗登臨而得其勝處

彫陂

上權郡孫承議

奉答茂衡惠紙長句

長句謝陳適用惠送吳南雄所贈紙

和答師厚黃連橋壞大木亦為秋雹所碎之作

上大蒙籠

追憶予泊舟西江事次韻

次韻郭明叔長歌

奉送時中攝東曹獄掾

次韻和答孔毅甫

更用舊韻寄孔毅甫

寄題安福李令愛竹堂

八月十四日夜刀坑口對月奉寄王子

難子聞適用

贈王環中

戲和于寺丞乞王醇老米

謝文灝元豐上文藁

寄朱樂仲

次韻子瞻書黃庭經尾付蹇道士

送曹子方福建路運判兼簡運使張仲謀

戲贈曹子方家鳳兒

題韋溷馬

和曹子方雜言

送張材翁赴秦簽

送呂知常赴太和丞

老杜浣花谿圖引

奉謝劉景文送團茶

謝景文惠浩然所作廷珪墨

贈陳師道

戲答仇夢得承制

和任夫人悟道

雜言贈羅茂衡

渡河

玉京軒

宮亭湖

阻水泊舟竹山下

別蔣穎叔

書石牛溪旁大石上

何氏悅亭詠柏

薄薄酒二章

巖下放言五首

題章和甫釣亭放言

贈元發弟放言

二十八宿歌贈別無咎

壽聖觀道士黃至明開小隱軒太守徐公為題曰快軒庭堅集句詠之

再和公擇舅氏雜言 奉送周元翁鎖吉州司法廳赴禮部試

送昌上座歸成都 題杜槃湖叟冥鴻亭

臨河道中 伯時彭蠡春牧圖

觀劉永年團練畫角鷹 戲用題元上人此君軒詩韻奉答周彥

公起予之作病眼皆花句不及律書不成字

元師自榮州來追送予於瀘之江安綿水驛因復用舊所賦此君軒詩韻贈

之並簡元師從弟周彥公

十八家詩鈔卷十六目錄

十八家詩鈔卷十六

湘鄉曾國藩纂 合肥李鴻章審訂 東湖王定安校

黃山谷七古百六十五首

送范德孺知慶州 德孺名純粹元豐八年八月除知慶州山谷以次年春為此詩贈之

乃翁知國如知兵 乃翁謂范文正公 塞垣草木識威名。敵人開戶玩處女。掩耳不及驚雷。

靈平生端有活國計。百不一試。薶九京。阿兄兩持慶州節。 阿兄謂忠宣公純仁也 十年騏驎

地上行。潭潭大度如臥虎。邊人耕桑長兒女。折衝千里雖有餘。論道經邦政要渠。

妙年出補父兄處。公自才力應時須。春風旆旌擁萬夫。幕下諸公思草枯。智名勇

功不入眼。可用折箠笞羌胡。

次韻李之純少監惠硯

黃公山下黃雞秋。持節卹刑曾少休。小人負弩得開道。掃葉張飲林巖幽。 汝州葉縣有黃

公山山谷熙寧開嘗為葉縣尉當迎候之純也 相傳有石非地產。列仙持來自羅浮。酒酣步出雲雨上南

撫方城西嵩邱林端乃見石空洞猛獸爨鳳踞上頭猛獸爨鳳借鳥道兔迹謀挽以言石之狀致萬牛不動五丁愁道家蓬萊見仙伯我亦洗滌與清流探囊贈研頗宜墨近出黃山非遠求乃知此山自才美物欲致用當窮搜迷邦故令成器晚不琢元非匠石羞仙伯謂李之純蓬萊謂見李於京師也與清流者山谷以哲宗初除館職也黃山即黃公山謂前此見石不知其可為硯材

次韻子瞻題郭熙畫秋山

黃州逐客未賜環江南江北飽看山玉堂臥對郭熙畫發興已在青林間郭熙官畫但荒遠短紙曲折開秋晚江村煙外雨脚明歸鴈行邊餘疊巘坐思黃甘洞庭霜恨身不如鴈隨陽熙今頭白有眼力尙能弄筆映窗光畫取江南好風日慰此將衰鏡中髮但熙肯畫寬作程十日五日一水石

詠李伯時摹韓幹三馬次蘇子由韻簡伯時兼寄李德素

太史瑣窗雲雨垂太史當謂子由作起居郎左史之任雲雨垂謂如在天上也試開三馬拂蛛絲李侯寫影韓幹墨自有筆如沙畫錐絕塵超日精爽緊若失其一望路馳馬官不語臂指揮乃

知仗下非新羈二句言其馴伏如此必非新自西極來者吾嘗覽觀在垆馬駑駘成列無權奇緬懷胡

沙英妙質一雄可將千萬雌決非廝養所成就天驥生駒人得之任注詩意若曰老於中朝之士

與來自鈞築者其英傑之氣固自不同如仗下馬與渥洼之驥也千金市骨今何有士或不價五羖皮言五羖皮已自輕其

身矣而今乃有李侯畫隱百僚底初不自期人誤知戲弄丹青聊卒歲身如閱世

老禪師

次韻子瞻和子由觀韓幹馬因論伯時畫天馬

于闐花驄龍八尺看雲不受絡頭絲西河驄作蒲萄錦雙瞳夾鏡耳卓錐長楸落日試天步知有四極無由馳電行山立氣深穩可耐珠韉白玉羈李侯一顧歎絕足領略古法生新奇一日真龍入圖畫在垆羣雄望風雌曹霸弟子沙苑丞喜作肥馬人笑之李侯論幹獨不爾妙畫骨相遺毛皮翰林評書乃如此賤肥貴瘦渠

未知翰林謂東坡也坡詩云少陵評書貴瘦不以爲懸也况我平生賞神俊一作

僧中云是道林師

次韻錢穆父贈松扇

銀鉤玉唾明繭紙銀鉤字也玉唾詩也松箠輕涼并送似可憐遠度幘溝婁幘溝婁高麗地名適堪
今時襪襪子襪謂不曉事人山谷以自道也丈人玉立氣高寒三韓持節見神山合得安期不
死草使我蟬蛻塵埃間

戲和文潛謝穆父松扇

猩毛束筆魚網紙山谷有猩毛筆詩蓋亦穆父高麗所得松樹織扇清相似動搖懷袖風雨來想見
僧前落松子張侯哦詩松韻寒六月火雲蒸肉山文潛體肥故有肉山之譏持贈小君聊一笑
不須射雉穀黃間黃間弩名

次韻王炳之惠玉板紙

王侯須若緣坡竹哦詩清風起空谷古田小牋惠我百古田隸福州信知溪翁能解玉
鳴碓千杵動秋山裹糧萬里來輦轂儒林丈人有蘇公相如子雲再生蜀往時翰
墨頗橫流此公歸來有邊幅小楷多傳樂毅論高詞欲奏雲門曲不持歸掃蘇公

門乃令小人今拜辱去騷甚遠文氣卑畫虎不成書勢俗董狐南史一筆無誤掌

殺青司記錄此二句山谷時為史官自謙云爾雖然此中有公議或辱五鼎榮半菽願公進德使

見書不敢求君米千斛

送王郎王純亮字世弼山谷之妹婿

酌君以蒲城桑落之酒泛君以湘纍秋菊之英贈君以黟川點漆之墨送君以陽
關墮淚之聲酒澆胸中之磊隗菊制短世之頽齡墨以傳千古文章之印歌以寫
一家兄弟之情江山萬里頭俱白骨肉十年眼終青連牀夜語雞戒曉書囊無底
談未了有功翰墨乃如此何恨遠別音書少炊沙作糜終不飽鏤冰文章費工巧
要須心地收汗馬孔孟行世日杲杲任注云謂道義戰勝胸中開有弟有弟力持
家婦能養姑供珍鮭兒大詩書女絲麻公但讀書煮春茶

送鄭彥能宣德知福昌縣

往時河北盜橫行白晝驅人取一作入城郭唯聞不犯鄭冠氏冠氏縣屬大名府鄭由冠氏遷福昌故稱

之曰鄭冠氏猶稱王元之曰王黃州稱范德孺曰慶州稱孫貫曰孫陽翟耳犬臥不驚民氣樂祇今化兵作鋤耰田舍

老翁百不憂銅章去作福昌縣山中讀書民有秋福昌愛民如父母當官不擾萬

事舉用才之地要得人眼中虛席十四五不知諸公用心許魯恭卓茂可人否

雙井茶送子瞻雙井在洪州分寧縣山谷所居也

人閒風日不到處天上玉堂森寶書想見東坡舊居士揮毫百斛瀉明珠我家江南摘雲腴落磴霏霏雪不如為公喚起黃州夢獨載扁舟向五湖

和答子瞻

一月空回長者車報人問疾遣兒書山谷時病目故云翰林貽我東南句東坡謝山谷餽茶詩云明年我

欲東南去故云窗閒默坐得玄珠故園溪友膾腹腴遠包春茗問何如玉堂下直長廊靜

為君滿意說江湖

子瞻以子夏邱明見戲聊復戲答

化工見彈大早計端為失明能著書邇來似天會事發淚睫見光猶隕珠喜公新

賜紫琳腴上清虛皇對久如對久如謂奏對久之詩箋曰丞然猶言久如也請天還我讀書眼願載軒轅

訖鼎湖軒轅謂神宗時山谷修實錄故云

省中烹茶懷子瞻用前韻

閣門井不落第二文德殿東上閣門之東有井絕佳竟陵谷簾定誤書陸羽復州竟陵人著茶經三篇以廬山康王谷水簾

為天下第一思公煮茗共湯鼎蚯蚓竅生魚眼珠置身九州之上腴爭名燄中沃焚如

謂衆人爭名於烈燄之中東坡則以水沃其焚如之燄也但恐次山胸磊塊終便酒舫石魚湖

以雙井茶送孔常父

校經同省並門居無日不聞公讀書故持茗椀澆舌本要聽六經如貫珠心知韻

勝舌知腴何似寶雲與真如湯餅作魔應午寢慰公渴夢吞江湖

常父答詩有煎點徑須煩綠珠之句復次韻戲答

小鬟雖醜巧粧梳掃地如鏡能檢書欲買娉婷供煮茗我無一斛明月珠知公家亦闕掃除但有文君對相如政當為公乞如願作牋遠寄宮亭湖

戲呈孔毅父

管城子無食肉相。孔方兄有絕交書。文章功用不經世。何異絲窠綴露珠。校書著作頻詔除。山谷以元豐八年四月為著作佐郎猶能上車問何如。忽憶僧床同野飯。夢隨秋鴈到東湖。

謝黃從善司業寄惠山泉

從善名降一名隱

錫谷寒泉攏石俱

攏音妥圓而長曰攏石所以澄水也

並得新詩薑尾書。急呼烹鼎供茗事。晴江急雨

看跳珠。是功與世滌羶腴。令我屢空常晏如。安得左轡清潁尾。風鑪煮茗臥西湖。

以團茶洮州綠石研贈無咎文潛

晁子智囊可以括四海。張子筆端可以回萬牛。自我得二士。意氣傾九州。道山延

閣委竹帛。清都太微望。冕旒具宮胎。寒弄明月天。網下罩一日。收此地。要須無不

有紫皇訪問富春秋

元祐元年十二月試太學錄張耒試太學正晁補之並為祕書省正字所謂道山延閣所謂此地並指蔡省館閣言之也

晁無咎贈君越侯所貢蒼玉璧。可烹玉塵試春色。澆君胸中過秦論。斟酌古今來

活國張文潛贈君洮州綠石含風漪。能淬筆鋒利如錐。請書元祐開皇極。第入思

齊訪落詩

思齊指宣仁太后紫皇及訪落並指哲宗也

次韻答曹子方雜言

曹輔字子方

酺池寺

山谷在京寓居此寺

湯餅一齋孟。曲肱懶著書。騎馬天津看逝水。滿船風月憶江湖。

往時盡醉冷卿酒

冷卿類稱謂光祿卿也。或云冷姓也。

侍兒琵琶春風手。竹間一夜

鳥聲春。明朝醉起雪塞門。當年聞說冷卿客。黃鬢鄴下曹將軍。挽弓石八不好武。

讀書臥看三峰雲。誰憐相逢十載後。釜裏生魚甑生塵。冷卿白首大官寺。樽前不

復如花人。曹將軍江湖之上可相忘。春鋤對立雙鴛鴦。無機與游不亂行。何時解

纓濯滄浪喚取張侯來。平章

張侯似是張仲謀

烹茶煮餅坐僧房

首五句山谷自敘近狀時持戒律甚嚴故有齋

孟之句往時以下八句山谷昔在冷宅始知曹之名誰憐四句敘與曹相遇時曹貧而冷亦不如昔矣末七句招曹偕隱

次韻子瞻武昌西山

元次山因石顯有窻因修之以藏樽銘東坡在玉堂與鄧

同夜直話及此事因作武昌西山詩請鄧同賦山谷和之

漫郎江南酒隱處古木參天應手栽石均為尊酌花鳥自許作鼎調鹽梅平生四
海蘇太史酒澆不下胸崔嵬黃州副使坐閒散諫疏無路通銀臺鸚鵡洲前弄明
月江妃起舞躡生埃次山醉魂招髣髴步入寒溪金碧堆洗滌塵痕飲嘉客笑倚
武昌江作疊誰知文章照今古野老爭席漁爭隈鄧公勒銘留刻畫剝剔銀鉤洗
綠苔琢磨十年煙雨晦摸索一讀心眼開謫去長沙憂鵬入歸來杞國痛天摧玉
堂卻對鄧公直北門喚仗聽風雷山川悠遠莫浪許富貴崢嶸今鼎來萬壑松聲
如在耳意不及此文生哀首四句敘次山之作在黃州尋次山之遺跡鄧公勒銘四句敘東坡摩挲鄧

謝送碾賜壑源揀芽

喬雲從龍小蒼壁熙寧末神廟有旨下建州製密雲龍元豐至今人未識壑源包貢第一春建州茶
壑源為上沙溪為下第一春謂元豐元年緇區碾香供玉食睿思殿東金井欄睿思殿神宗甘露薦椀天
開顏橋山事嚴庀百局橋山謂作神宗裕陵也補袞諸公省中宿中人傳賜夜未央雨露恩

光照宮燭右丞似是李元禮好事風流有涇渭肯憐天祿校書郎右丞謂李清臣
召以元豐八年也親敕家庭遣分似春風飽識太官羊春風謂茶不慣腐儒湯餅腸搜攪
十年燈火讀令我胸中書傳香已戒應門老馬走客來問字莫載酒

以小團龍及半挺贈無咎並詩用前韻為戲

我持玄圭與蒼璧以暗投人渠不識城南窮巷有佳人佳人謂無咎不索賓郎常晏食
赤銅茗椀雨斑斑銀粟翻光解破顏上有龍文下碁局碁局謂團茶下隱隱擔囊

贈君諾已宿此物已是元豐春先皇聖功調玉燭晁子胸中開典禮平生自期莘
與渭故用澆君磊隗胸莫令鬢毛雪相似曲几團蒲聽煮湯煎成車聲繞羊腸鷄
蘇胡麻留渴羌鷄蘇胡麻俗人煮茶多以此二物雜之晉不應亂我官焙香肥如
瓠壺鼻雷吼幸君飲此勿飲酒

送謝公定作竟陵主簿

謝公文章如虎豹謝公謂師厚公至今斑斑在兒孫竟陵主簿極多閒萬事不理

專討論澗松無心古須鬣。天球不琢中粹温。落筆塵沙百馬奔。劇談風霆九河翻。
胸中恢疏無怨恩。當官持廉庭不煩。吏民欺公亦可忍。慎勿驚魚使水渾。漢濱耆
舊今誰存。在漢水之濱皆駟馬高蓋徒紛紛。安知四海習鑿齒。拄笏看度南山雲。

四海句以習鑿齒比公定才行之高
拄笏句以王徽之比公定襟懷之雅

贈送張叔和

張侯温如鄒子律。能令陰谷黍生春。有齊先君之季女。填字叔和洛中人張謙
龍圖之後娶山谷季妹十年擇對無可人。箕帚掃公堂上塵。家風孝友故相親。廟中時薦南澗蘋。兒女衣袴
得補紉。兩家俱為白頭計。察公與人意甚真。吏能束縛老姦手。要使鰥寡無鬻呻。
但迴此光還照已。平生倦學皆日新。我提養生之四印。君家所有更贈君。百戰百
勝。不如一忍。萬言萬當。不如一默。無可簡擇。眼界平。不藏秋毫。心地直。我肱三折。
得此醫。自覺兩踵生光輝。團蒲日靜。鳥吟時鑪薰。一炷試觀之。

僧景宗相訪寄法王航禪師

自注智航道人住嵩山法王寺數
遣小僧景宗到都城因宗還寄之

抱牘稍退。鳧驚行倦。禪時作橐。駝坐。王洙避雪佛廟見一老僧著阜裘背
及肋有白補處明日視之乃橐駝也忽憶頭

陀雲外人閉門作夏。與僧過一絲不掛。魚脫淵萬古同歸。蟻旋磨山中雨熟瓜芋

田喚取小僧休乞錢。首二句山谷自敘近狀三四句指智航一絲句謂智航無二
無礙脫離世網萬古句慨世人為物所牽如蟻之旋磨末二

句謂智航能以法力致雨熱其
田園不須令小僧景宗乞化也

謝王仲至惠洮州礪石黃玉印材

仲至名
欽臣

洮礪發劍虹貫日。印章不琢色蒸栗。磨礪頑鈍印此心。佳人持贈意堅密。佳人鬢
彫文字工藏書。萬卷胸次同日臨。天閑參真龍新詩。得意挾雷風。我貧無句當。二
物看公倒海取。明月

次韻子瞻詠好頭赤圖

李侯畫骨不亦一作畫肉。筆下馬生如破竹。秦駒雖入天仗一作馬圖。猶恐真龍在空

谷精神。權奇汗溝赤。銅馬相法曰
汗溝欲深長有頭一作自赤。烏能逐日安得身。為漢都護三十

六城看歷歷。

觀伯時畫馬

元祐三年春東坡知貢舉山谷與李伯時皆為其屬故試院中作數詩

儀鸞供帳饗蟲行翰林溼薪爆竹聲

儀鸞司掌奉供帳之事翰林司掌供御酒茗湯果及內外筵設

風簾官燭淚

縱橫木穿石槃未渠透

太極老君與傅先生木鑽使穿一石槃厚五寸許積四十七年而石穿遂得神丹

坐窗不邀令人

瘦貧馬百贅逢一豆眼明見此五花驄徑思著鞭隨詩翁城西野桃尋小紅

記夢

洪駒父詩話謂山谷見一貴宗室攜妓游某寺此篇記其事也僧惠洪夜話謂冷齋山谷畫臥醮池寺夢與一道士游蓬萊覺而作此詩二說未

是知孰

衆真絕妙擁靈君曉然夢之非紛紜窗中遠山是眉黛席上榴花皆舞裙借問琵琶得聞否靈君色莊妓搖手兩客爭棋爛斧柯一兒壞局君不呵杏梁歸燕空語多奈此雲窗霧閣何

次韻子瞻送李豸

豸字方叔東坡知貢舉而豸不第有詩送之

驥子墮地追風日未試千里誰能識習之實錄葬皇祖斯文如女有正色今年持橐佐春官遂失此人難塞責雖然一闕有奇耦博懸於投不在德君看巨浸朝百

川此豈有意潢潦前

二句言其成者大

願爲霧豹懷文隱莫愛風蟬蛻骨仙

二句勸其不求速化

次韻子瞻寄眉山王宣義

王淮奇字慶源蜀之青神人東坡叔丈人也東坡有王文求紅帶詩

參軍但有四立壁初無臨江千木奴白頭不是折腰具桐帽棕鞵稱老夫滄江鷗鷺野心性陰壑虎豹雄牙須鸕鷀作裘初服在猩血染帶鄰翁無昨來杜鵑勸歸去更待把酒聽提壺當今人材不乏使天上二老須人扶兒無飽飯尙勤書婦無復禪且著襦社蠶可漉溪可漁更問黃雞肥與癯林閒醉著人伐木猶夢官下聞追呼聞伐木喧噪之聲猶以爲追呼也萬釘圍腰莫愛渠富貴安能潤黃墟

聽宋宗儒摘阮歌

翰林尙書宋公子

翰林尙書當是宋景文公

文采風流今尙爾自疑耆域是前身囊中探丸起

人死

耆域天竺高僧也嘗以淨水一杯楊柳一枝起膝永文之病

貌如千歲枯松枝落魄酒中無定止得錢百

萬送酒家一笑不問今餘幾手揮琵琶送飛鴻促絃聒醉驚客起寒蟲催織月籠

秋獨鴈叫羣天拍水楚國驕臣放十年漢宮佳人嫁千里深閨洞房語恩怨紫燕

黃鷓韻桃李楚狂行歌驚市人漁父擊舟在葭葦問君枯木著朱繩何能道人意
中事君言此物傳數姓玄璧庚庚有橫理閉門三月傳國工身今親見阮仲容我
有江南一邱壑安得與君醉其中曲肱聽君寫松風

博士王揚休碾密雲龍同事十三人飲之戲作

喬雲蒼壁小盤龍貢包新樣出元豐王郎坦腹飯牀東太官分物來婦翁棘闈深
鎖武成宮談天進士雕虛空任注國朝試進士才在武成王廟熙豐鳴鳩欲雨喚
雌雄南嶺北嶺宮徵同二句言程文聲調一律也午窗欲眠視濛濛喜君開包碾春風注湯官
焙香出籠非君灌頂甘露碗幾為談天乾舌本

答黃冕仲索煎雙井並簡揚休冕仲名裳

江夏無雙乃吾宗同舍頗似王安豐王戎封安豐侯善發談端此引以比揚休能澆茗碗湔袂我風袂
欲挹浮邱翁吾宗落筆賞幽事秋月下照澄江空秋月澄江言詩之清絕如此家山鷹爪是小
草敢與好賜雲龍同不嫌水厄幸來辱寒泉湯鼎聽松風夜堂朱墨小燈籠此句不知

何指惜無纖纖來捧碗唯倚新詩可傳本

再答冕仲

邱壑詩書雖數窮田園芋栗頗時豐小桃源口雨繁紅春溪蒲稗沒鳧翁急就篇顏注曰

翁鳧頸毛也投身世網夢歸去摘山鼓聲雷隱空秋堂一笑共燈火與公草木臭味同

安用茗澆磊隗胸他日過飯隨家風漢書鮑宣傳俱買魚貫柳雞著籠更當力貧

開酒椀走謁鄰翁稱子本稱子本謂稱文子本相鄰家以治具韓文子本相鄰家

戲答陳元興元祐二年八月陳軒為主客郎中軒字元興

平生所聞陳汀州陳汀州亦猶稱鄭冠氏孫陽翟之類蝗不入境年屢豐東門拜書始識面任注云東門拜

書當是拜語於東上閣門鬢髮幸未成老翁官饗同盤厭腥膩茶甌破睡秋堂空自言不復蛾

眉夢枯淡頗與小人同小人山谷自謂也但憂迎笑花枝紅夜窗冷雨打斜風秋衣沈水

換薰籠銀屏宛轉復宛轉意根難拔如薤本迎笑句句謂侍妾薰衣也夜窗句謂元興雖甘

枯淡恐有少婦寒宵薰衣意根復動耳

再答元輿

君不能入身帝城。結子公又不能擊強。有如諸葛。豐法當樵悴。百寮底。五十天涯。一秃翁。問君何自今。為郎便殿作賦聲。摩空偶然樽酒相勞苦。牛鐸調與黃鍾同。

牛鐸山谷自比黃鍾。以比元輿也。

安得朱幡各憑熊。江南樓閣白蘋風。勸歸嗁鳥曉窗籠。男兒避

逅功。補袞鳥倦歸巢葉歸本。

選近謂不期而得之補袞。謂名位也。言名位倉卒可得。不如不忘其本也。

演雅

桑蠶作繭自纏裹。蛛蝥結網工遮邏。燕無居舍經始忙。蝶為風光句引破。老鶻銜石宿水飲。穉蜂趨衙供蜜課。唐食貨志有課戶。今猶以賦稅為國課。此謂蜂以釀蜜為課也。鵲傳吉語安得閑。雞催晨興不敢臥。氣陵千里蠅附驥。枉過一生蟻旋磨。蝨聞湯沸尚血食。雀喜宮成自相賀。晴天振羽樂。蜉蝣空穴祝兒成。螺贏蝓轉丸。賤蘇合飛蛾。赴燭甘死禍。井邊蠹李。糟苦肥枝頭。飲露蟬常餓。天樓伏隙錄。人語射工含沙須。影過訓狐啄屋真。行怪蠪。蛸報喜太多。可鷓鴣密伺魚蝦。便白鷺不禁塵土。浣絡緯何嘗省機。

織布穀未應勤種播。五技鼯鼠笑鳩拙。百足馬虻憐鼈跛。老蚌胎中珠是賊。醯雞

瓮裏天幾大。螳螂當轍恃長臂。熠燿宵行矜照火。提壺猶能勸沽酒。黃口小雀只

知貪飯。顆伯勞饒舌。世不問鸚鵡。纔言便關鎖。春蛙夏蜩更嘈雜。土蚓壁蟬何碎

瑣。江南野水碧。於天中有狎鷗閑。似我狎鷗一作白鷗

戲答趙伯充勸莫學書及為席子澤解嘲

平生飲酒不盡味。五鼎餽肉如嚼蠟。二句言不好色我醉欲眠便遣客。三年窺牆亦面壁

不好色空餘小來翰墨場。松煙兔穎傍明窗。偶隨兒戲灑墨汁。眾人許在崔杜行

杜謂崔瑗晚學長沙小三昧。長沙僧懷素也。自幻出萬物真成狂。龍蛇起陸雷破

柱。自喜奇觀繞繩牀。家人罵笑寧有道。汚染黃素敗粉牆。誠不如南鄰席明府。注任

席君蓋京師醫者。與山谷寓舍相鄰。山山谷書帖中所謂席三即其人也蛛網鎖硯蝸書梁。懷中探丸起九死。才術頗

似漢太倉。感君詩句喚夢覺。邯鄲初未熟黃梁。身如朝露無牢強。玩此白駒過隙

光從此。永明書百卷。杭州永明寺智覺禪師一百卷自公退食一爐香。

戲書秦少游壁

任注云觀此詩意當是少游過南京時有所盼主翁待少游厚欲令從歸而其家難之也

丁令威化作遼東白鶴歸朱顏未改故人非微服過宋風退飛

謂少游過宋之南

宋父擁篲待來歸

宋父以喻所盼者之父

誰饋百牢鸚鵡妃

百牢喻兩兩之禮鸚鵡喻此女也

秦氏烏生八

九子

秦氏喻少游之夫人

雅烏之兄畢逋尾

兄喻少游之子已長矣

憶炊門牡烹伏雌

此句喻少游昔年與妻同貧苦

未肯增巢令汝棲

此句喻妻意不欲少游納妾

莫愁野雉疏家雞

此句勸少游妻無怨其夫

但願主人印纍

纍言富貴後不妨廣置姬妾也

送少章從翰林蘇公餘杭

東南淮海惟揚州國士無雙秦少游欲攀天關守九虎但有筆力迴萬牛文學縱

橫乃如此故應當家有季子時來誰能力作難鴻雁行飛入道山斑衣兒唬真自

樂從師學道也不惡但使新年勝故年即如常在郎罷前

願况詩曰隔地絕天直至黃泉不得在郎罷前

便糴王丞送碧香酒用子瞻韻戲贈鄭彥能

王詵香卿尚蜀國公主其家酒名碧香彥能名僅

食貧好飲嘗自嘲日給上尊無骨相

漢賜丞相上尊酒言貧者無此骨相不能邀給賜也

大農部丞送新酒

碧香竊比主家釀應憐坐客竟無氈更遭官長頗譏謗

二句謂王憐山谷憐其坐則無氈出則被謗也

杯同色試一傾排遣春寒出幃帳浮蛆翁翁杯底滑坐想康成論泛盎重門著關

不為君但備惡客來仇餉

戲和答禽語

南村北村雨一犁新婦餉姑翁哺兒田中嘯鳥自四時催人脫袴著新衣著新替

舊亦不惡去年租重無袴著

謝景叔惠冬笋雍酥水犁三物

玉人憐我長蔬食走送廚珍不自嘗秦牛肥膩酥勝雪漢苑甘寒梨得霜冰底斲

春生笋束豹文解籜饌寒玉見他桃李憶故園嚙僚應殘遶窗竹

再答景叔

女三為粲當獻王三珍同盤乃得嘗甘泉下澆藜莧腸令我詩句挾風霜小人食

珍敢取足都城一飯炊白玉賜錢千萬民猶飢

元祐二年十二月以大雪寒出錢百萬令開封府賜貧民雪後

排檐凍銀竹

銀竹謂冰柱也

出城送客過故人東平侯趙景珍墓

朱顏苦留不肯住。白髮政爾欺得人。嬋娟去作誰家妾。意氣都成一聚塵。今日牛羊上邱壠。當時近前左右瞋。花開鳥噉荆棘裏。誰與平章作好春。

題也足軒

並序

簡州景德寺覺範道人種竹於所居之東軒使君楊夢貺題其軒曰也足。取古人所謂但有歲寒心兩三竿也足者也仍為之賦詩余輒次韻。

道人手種兩三竹使君忽來唾珠玉不須客賦千首詩。若是賞音一夔足世人愛處但同流一絲不掛似太俗客來若問一作問我有何好道人優曇一作波遠山綠。

送石長卿太學秋補

長卿家亦但四壁文君窺之介如石胸中已無少年事骨氣乃有老松格漢文新覽天下圖謂徽宗初立也詔山採玉淵獻珠再三可陳治安策第一莫上登封書。

次韻黃斌老所畫橫竹

酒澆胸次不能平。吐出蒼竹歲崢嶸。臥龍偃蹇雷不驚。公與此君俱忘形。晴窗影落石泓處。松煤淺染飽霜兔。中安三石使屈蟠。亦恐形全便飛去。

戲詠子舟畫兩竹兩鸚鵡

風晴日暖搖雙竹。竹間相語兩鸚鵡。鸚鵡之肉不可肴。人生不材果為福。子舟之筆利如錐。千變萬化皆天機。未知筆下鸚鵡語。何似夢中蝴蝶飛。

題榮州祖元大師此君軒

王師學琴三十年響如清夜落澗泉。滿堂洗盡箏琶耳。請師停手恐斷絃。四句叙其善鼓琴神人傳書道人命。死生貴賤如看鏡。晚知直語觸憎嫌。深藏幽寺聽鐘磬。四句敘其命善推有酒如澠客滿門。不可一日無此君。當時手栽數寸碧。聲挾風雨今連雲。此君傾蓋如故舊。骨相奇怪清且秀。程嬰杵臼立孤難。此句狀竹之勁伯夷叔齊采薇瘦。此句狀竹之瘦霜鍾堂上弄秋月。微風入絃此君說。二句因竹而及琴。回顧篇首公家周彥筆如椽。此君

語意當能傳

青神縣尉廳葺城頭舊屋作借景亭下瞰史家園水竹終日寂然了無人迹

又當大木綠陰之間戲作長句奉呈信孺明府介卿少府尉即張社介卿社父開雅州人

娶山谷之姑官太常卿

青神縣中得兩張愛民財力唯恐傷二公身安民乃樂新葺城頭六月涼竹鋪不

浣吳綾襪東西開軒蔭清樾當官借景未傷民恰似鑿池取明月任注杜牧之盆池詩云鑿破蒼

苔地偷他一片天此用其意

戲贈家安國安國字復禮眉山人初以武進後入左選

家侯口吃善著書常願執戈王前驅朱紱蹉跎晚監郡吟弄風月思天衢二蘇平

生親且舊二蘇謂東坡黃門亦眉人皆有贈安國之詩少年筆硯老杯酒但使一氣轉鴻鈞此老矍鑠

還冠軍

和王觀復洪駒父謁陳無已長句王蕃字觀復沂公之孫官閩中時常從山谷問學元符三年自京師改官復入蜀會

山谷於荊州決芻字駒父山谷之甥也

陳君今古焉不學清渭無心映涇濁漢官舊儀重九鼎謂無已前有輩典足為士林之重集賢學

士見一角一角以無已比麟謂如學士中之瑞也王侯文采似於菟洪甥人閒汗血駒相將問道城

南隅無屋止借船官居有書萬卷繞四壁樵蘇不爨談至夕主人自是文章伯鄰

里頗怪有此客食貧各仕在一作天一方佳人可思不可忘河從天來砥柱立言無獨

波立於頽開愛莫助之涕淋浪

王充道送水仙花五十枝欣然會心爲之作詠

淩波仙子生塵襪水上輕盈步微月是誰招此斷腸魂種作寒花寄愁絕含香體

素欲傾城山礬是弟梅是兄坐對眞成被花惱出門一笑大江橫

庭堅以去歲九月至鄂登南樓歎其制作之美成長句久欲寄遠因循至今

書呈公悅公悅名澤

江東湖北行畫圖鄂州南樓天下無高明廣深勢抱合表裏江山來畫閣雪筵披

襟夏簟寒。胸吞雲夢何足言。庾公風流冷似鐵。誰其繼之方公悅。

題蓮華寺

狂卒猝起金坑西。脅從數百馬百蹏。所過州縣不敢誰。肩輿虜載三十妻。作生有膽無智略。謂河可馮。虎可搏。身膏白刃。浮屠前此鄉。父老至今憐。

送密老住五峯

密老蓋法昌之嗣

我穿高安過萍鄉。七十二渡遶羊腸。水邊林下逢衲子。南北東西古道場。五峯秀出雲雨上。中有寶坊如側掌。去與青山作主人。不負法昌老禪將。栽松種竹是家風。莫嫌斗絕無來往。但得螺師吞大象。從來美酒無深巷。

古語也。謂酒之美者。雖在深僻之地。人必就沽。山谷之意。以為密老但解法昌宗旨。何患不為人所知哉。

武昌松風閣

依山築閣見平川。夜闌箕斗插屋椽。我來名之意適然。老松魁梧數百年。斧斤所赦今參天。風鳴媧皇五十絃。洗耳不須菩薩泉。嘉二三子甚好賢。力貧買酒醉此

筵。夜雨鳴廊到曉懸。相看不歸臥僧氈。泉枯石燥復潺湲。山川光輝為我妍。野僧

早飢不能餽。曉見寒谿有炊煙。東坡道人已沈泉。山谷以崇寧元年壬午九月至鄂東坡。已於前一年辛巳死矣。

故曰張侯何時到眼前。文潛時謫黃州安置。尚未到黃。故曰何時到眼前。釣臺驚濤聒晝眠。怡亭看篆蛟

龍纏。安得此身脫拘攣。舟載諸友長周旋。

次韻文潛

武昌赤壁弔周郎。寒溪西山尋漫浪。忽聞天上故人來。呼船凌江不待餉。凌江即

波之類。韓詩遂。凌大江極東。陔我瞻高明少吐氣。君亦歡喜失微恙。年來鬼祟覆三豪。任注云三豪當是東

坡先生。范淳夫。秦少游。於時皆死矣。詞林根柢頗搖蕩。天生大材竟何用。只與千古拜圖像。張侯文

章殊不病。歷險心膽元自壯。汀州鴻雁未安集。風雪牖戶當塞向。有人出手辦茲

事。政可隱几窮諸妄。二句謂安民修政。可隱几學道。息諸妄念。爾經行東坡眠食地。拂

拭寶墨生楚愴。水清石見君所知。此是吾家秘密藏。二句言賢愚邪正。久而自見。

次韻元實病目

范溫字元實。范祖禹淳夫之。子秦少游之婿。

道人常恨未灰心。儒士苦愛讀書眼。言為道者惟恐見之不博各異趣也要須玄覽照鏡空。莫作白魚鑽蠹簡。閱人朦朧似有味。看字昏澁尤宜懶。范侯年少百夫雄。言行一。無可束看君眸子。當瞭然乃稱胸次常坦坦。如何有物食明月。淚睫隕珠衣袖滿金篋。刮膜會。有時湯熨取快術。誠短君不見岳頭嬾瓚。一生禪鼻涕垂頤。渠不管。

花光仲仁出秦蘇詩卷思兩國士不可復見開卷絕歎因花光為我作梅數

枝及畫煙外遠山追少游韻記卷末仲仁蓋衡州花光山長老

夢蝶真人貌黃槁籬落逢花須醉倒陶潛事以比秦少游逢花便醉也雅聞花光

能畫梅更乞一枝洗煩惱扶持疑當作杖愛梅說道理自許牛頭參已早法融禪師入牛頭山

幽栖寺有百鳥銜花之異長眠橘洲風雨寒少游卒於潭州其子處今日梅開向誰好何況東

坡成古邱不復龍蛇看揮掃我向湖南更嶺南繫船來近花光老歎息斯人不可

見喜我未學霜前草霜前草言喜尚未死也寫盡南枝與北枝更作千峰倚晴昊

書磨崖碑後

春風吹船著浯溪扶藜上讀中興碑平生半世看墨本摩挲石刻鬢成絲明皇不

作苞桑計顛倒四海由祿兒九廟不守乘輿西萬官已作鳥擇栖撫軍監國太子

事何乃趣取大物為事有至難天幸爾上皇跼蹐還京師內閒張后色可否外閒

李父頤指揮南內淒涼幾苟活高將軍去事尤危張后與李輔國謀徙上皇於西內高力士從上皇自蜀還為李

輔國所誣長流巫州臣結春陵二三策臣甫杜鵑再拜詩安知忠臣痛至骨世上但賞瓊琚

詞同來野僧六七輩亦有文士相追隨斷崖蒼蘚對立久凍雨為洗前朝悲

太平寺慈民閣元注元晚與曾公袞同登

青玻瓈盆插千岑湘江水清無古今何處拭目窮表裏太平飛閣暫登臨朝陽不

聞早蓋下愚溪但有古木陰元結在零陵尋得巖洞名曰朝陽巖結為春陵刺史誰

與洗滌懷古恨坐有佳客非孤斟

題淡山巖二首淡山巖在永州西南有巖空洞可容數千人

去城二十五里。近天與隔盡。俗子塵春蛙。秋蠅不到耳。夏涼冬暖。總宜人巖中。清磬僧定起。洞口綠樹仙家春。惜哉次山世未顯。不得雄文鑿翠珉。

淡山淡姓人。安在徵君避。秦亦不歸。徵君謂周貞實零陵人居淡山石室。秦始皇三徵不起。遂化為石。石門竹徑

幾時有瓊臺瑤室。至今疑回中。明潔坐十客。元次山有大回中。小回中。詩言樊水之回。泐也。此借用以言巖洞之回環。

亦可呼樂醉舞衣。閬州城南果何似。永州淡巖天下稀。

明遠菴

遠公引得陶潛住。美酒沽來飲無數。我醉欲眠卿且去。只有空瓶同此趣。淵明好眠。空瓶。

亦好臥故。曰同此趣。誰知明遠似遠公。亦欲我行菴上路。多方挈取甕頭春。大白梨花十分

注。甕頭初熟酒也。梨。花酒杯樣製如此。與君深入逍遙遊。了無一物當情素。道卿道卿歸去來。元注。云道。

卿語。溪僧。明遠主人今進步

戲答歐陽誠發奉議謝予送茶歌

歐陽子出陽山。山奇水怪有異氣。生此突兀熊豹顏。飲如江入洞庭野。詩成十手

不供寫。老來抱璞向涪翁。東坡元是知音者。蒼龍壁官焙香涪翁投贈非世味。自

許詩情合得嘗。卻思翰林來餽光。祿酒兩家冰鑿共寒光。歐陽昔年曾為東坡所賞。餽之以酒。茲又與山

之谷往還。餽之以茶。予乃安敢比東坡。有如玉盤金叵羅。直相千萬不啻過。愛公好詩又能

多。老夫何有更橫戈。柰此于思百戰何。歐陽君必多髯。故用宋華元于思事。

和范信中寓居崇寧遇雨二首

范侯來尋八桂路。走避俗人如脫兔。衣囊夜雨寄禪家。行潦升階漂兩屨。遣悶悶

不離眼前避。愁愁已知人處慶。公憂民苗未立。旻公憂木水推去。慶旻蓋崇寧兩禪僧。兩禪

有意開壽域。歲晚築室當百堵。徽宗崇寧三年詔天下祈年。它時無屋可藏身。且作五

里公超霧。後漢張崇字公超。性好道術。能作五里霧。

當年游俠成都路。黃犬蒼鷹伐狐兔。二十始肯為儒生。行尋丈人奉巾屨。千江渺

然萬山阻。抱衣一囊徧處處。或持劍掛宰上回。亦有酒罷壺中去。昨來禪榻寄曲

肱。上雨傍風破環堵。何時鯤化北溟波。好在豹隱南山霧。已上內集。

清江引 以下外集○嘉祐六年作時公年十七

江鷗搖蕩荻花秋八十漁翁百不憂清曉采蓮來盪漿夕陽收網更橫舟羣兒學漁亦不惡老妻白頭從此樂全家醉著篷底眠舟在寒沙夜潮落

還家呈伯氏 元注葉縣作○辛亥二十七歲

去日櫻桃初破花歸來著子如紅豆四時驅迫少須臾兩鬢飄零成老醜永懷往在江南日原上急難風雨後私田苦薄王稅多諸弟號寒諸妹瘦扶將白髮渡江來吾二人如左右手苟從祿仕我還回且慰家貧兄孝友強趨手板汝陽城更責愆期被訶詬 山谷初到汝州時鎮相富公以到官逾期下吏 法官毒螫草自搖丞相霜威人避走賤貧孤遠蓋如此此事端於我何有一囊粟麥七千錢五人兄弟二十口官如元亮且折腰心似次山羞曲肘北窗書冊久不開筐篋黃塵生鏤鈕何當略得共討論況乃雍容把杯酒意氣敷腴貴壯年不蚤計之且衰朽安得短船萬里隨江風養魚去作陶朱公斑衣奉親伯與儂四方上下相依從用舍由人不由己迺是伏轅駒犢

耳。

流民歎 己酉二歲

朔方頻年無好雨五穀不入虛春秋邇來后土中夜震有似巨鼇復戴三山游傾牆摧棟壓老弱冤聲未定隨洪流地文割剝水騰沸十戶八九生魚頭稍聞澶淵渡河日數萬河北不知虛幾州纍纍襁負囊葉間問舍無所耕無牛初來猶自得曠土嗟爾後至將何怙刺史守令真分憂明詔哀痛如父母廟堂已用伊呂徒何時眼前見安堵疏遠之謀未易陳市上三言或成虎禍災流行固無時堯湯水旱人不知桓侯之疾初無證扁鵲入秦始治病投膠盈掬俟河清一簞豈能續民命雖然猶願及此春略講周公十二政風生羣口方出奇老生常談幸聽之 熙寧二年河北

於早後又遭水災流民南渡就食囊葉間所云疏遠之謀老生常談者山谷是時必陳救荒之策也

次韻答張沙河 知邢州沙河縣

張侯堂堂身八尺老大無機如漢陰猛摩虎牙取吞噬自歎日月不照臨策名日

已汗軒冕逃去未必焚山林我評君才甚高妙孤竹截管空桑琴四十未曾成老
翁紫髯垂頤鬱森森眉宇之間見風雅藍田煙霧生球琳胸中礪磊政須酒東海
可攬北斗斟古人已悲銅雀上不聞向時清吹音百年毀譽付誰定取醉自可結
舌瘖使公繫腰印如斗駟馬高蓋驅駸駸親朋改觀婢僕敬成都男子寧異今又
言屋底甚縣罄兒婚女嫁取千金古來聖賢多不飽誰能獨無父母心衆鷄墮地
各有命強爲百草憂春霖艾封人子暗日睫與王同牀悔沾襟隴鳥入籠左右啄
終日思歸碧山岑一生能幾開口笑何忍更遣百慮侵忽投雄篇寫逸興仰占乾
文動奎參自陳使酒嘗罵坐惜予不與朋合簪君材蜀錦三千丈要在刀尺成衣
衾南朝例有風流癖楚地俗多詞賦淫屈原離騷豈不好只今漂骨滄江潯政令
夷甫開三窟獵以我道皆成禽温恭忠厚神所勞於魚得計豈厭深丈夫身在要
勉力豈有吾子終陸沈鄙人相士蓋多矣勿作蔡澤笑噤吟

古風次韻答初和甫二首

元豐七年甲子四月十歲

飢思河鯉與河魴渴思蔗漿玉盃涼冬願純綿對陰雪夏願縹緜度盛陽萬端作
計身愁苦一事不諧鬢蒼浪調笑天街吟海燕藜羹脫粟非公狂
君吟春風花草香我愛春夜璧月涼美人美人隔湘水其雨其雨怨朝陽蘭荃盈
懷報瓊玖冠纓自潔非滄浪道人四十心如水平那得夢爲蝴蝶狂

次韻答和甫盧泉水三首

並序○初曠世字和甫工醫居東平府須城縣盧泉鄉

和甫作盧泉之水不求於古樂府而規摹暗合予爲和成三疊自予官河
外罕得逆耳之言於朋友和甫愛我也居有藥言吾不欲其思盧泉也故
作其一父母之邦有如仲尼柳下惠而懷安之以吾之樂雙井知和甫之
不忘盧泉也故作其二坐進此道者於物無擇清漳之波濁河之流盧泉
之水求其異味而不得也親樂之身安之斯可矣故作其三夫三言者雖
不同唯知言者領其不異也

初侯不能六尺長少日結交見老蒼勢利不可更炎涼解纓從我濯滄浪與君論

心松柏香何爲獨憶盧泉之上多綠楊盧泉如練照秋陽泉上之人猶謗傷此邦

當指德平言之雖陋有佳士勿厭風沙吹茫茫願君不負上池水囊中探丸起人死

盧泉之木百尺長下蔭泉色如木蒼蘋風和雨灑面涼倒影搖蕩天滄浪網登錦

鱗蒲苻香何以貫之柳與楊古來希價入咸陽貪功害能相中傷君今已出紛爭

外但思煙波春淼茫奉親安樂一杯水盧泉之濱可忘死

舍後鐘梵爐煙長舍前簾影竹蒼蒼事親煥席扇枕涼中有一士鬢蒼浪同心之

言蘭麝香與游者誰似姓楊朝發枉渚夕辰陽懷瑾握瑜祇自傷東有濁河西清

漳胡爲搔頭盧泉思茫茫清明在躬不在水此曹狡獪可心死

贈趙言

饒陽趙方士眼如九秋鷹學書不成不學劍心術妙解通神明鑿如俯身拾地芥
相如仰面觀天星自言方術雜鬼怪萬種一貫皆天成大梁卜肆傾賓客二十餘
年聲籍籍得錢滿屋不經營散與世人還寄食北門塵土滿衣襟廣文直舍官槐

陰白雲勸酒終日醉紅燭圍碁清夜深大車駟馬不回首強項老翁來見尋北門此

六旬山谷時在北京他人不願而趨言獨來相尋訪也向人忠信去表襮可喜政在無機心輕談禍福邀重

糴所在多於竹葦林翁言此輩無足聽見葉知根論才性飛騰九天沈九泉自種

自收皆在行先期出語駭傳聞事至十九中時病輪困離奇惜老大成器本可干

萬乘自歎輕霜白髮新又去驚動都城人都城達官老於事嫌翁出言不斌媚有

手莫炙權門火有口莫辨荆山玉吳宮火起燕焚巢當時卞和斲兩足千里辭家

卻入門三春榮木會歸根我有江南黃篋舫與翁長入白鷗羣

次韻晁補之廖正一贈答詩補之字元咎集云及第東歸將赴調寄李成季又云

復用前韻答明略並呈魯直

晁子抱材耕谷口世有高賢踐台斗頃隨計吏西入關關夫數日傳車還封侯半

屬妄校尉射虎猛將猶行閒無因自致青雲上浪說諸公見嗟賞驥伏鹽車不稱

情輕裘肥馬鳳凰城歸來作詩謝同列句與桃李爭春榮十年山林廖居士今隨

詔書稱舉子文章宏麗學西京新有詩聲似侯喜君不見古來良爲知音難絕絃
不爲時人彈已喜瓊枝在我側更恨桂樹無由攀千里風期初不隔獨憐形迹滯
河山頃隨以下七句俱言其不
得志輕凌句言其登科也

再次韻呈廖明略

吾觀三江五湖口湯湯誰能議升斗物誠有之士則然晚得廖子喜往還學如雲
夢吞八九文如壯士開黃閒十年呻吟江湖上青楓白鷗付心賞未減北郭漢先
生五府交書不到城後漢汝南廖扶州郡公府辟召
皆不應時人號爲北郭先生相者舉肥驥空老山中無人
桂自榮君既不能如鍾世美匭函上書動天子元豐元年十一月鍾世美以內舍
生上書稱旨得官世美蓋黨附王
安石者山谷此
言特戲之耳且向華陰郡下作參軍要令公怒令公喜君不見晁家樂府可管
絃惜無傾城爲一彈從軍補掾百僚底九關虎豹何由攀男兒身健事未定且莫
著書藏名山

走答明略適堯民來相約奉謁故篇末及之

君不見生不願爲牛後寧爲雞口吾聞向來得道人終古不忒如維斗希價咸陽
諸少年可推令往挽令還俗學風波能自拔我識廖侯眉宇閒省庭無人與爭長

唐宋試進士曰省試韓公詩下驢入
省門此云省庭皆指試進士言之主司得之如受賞東家一笑市盡傾略無下

蔡與陽城生珠之水砂礫潤生玉之山草木榮觀君詞章亦如此諒知躬行有君
子更約探囊閱舊文蛛絲燈花助我喜賢樂堂前竹影班好鳥自語莫令彈北鄰
著作指堯
民也相勞苦整駕謁予邀同攀應煩下榻煮茶藥坐待月輪銜屋山

答明略並寄無咎

可以忘憂唯有酒清聖濁賢皆可口前日過君飲不多明日解醒無五斗古木清
陰丹井欄夜來涼月屋頭還論交撥置形骸外得意相忘樽俎閒冰壺不可與夏

蟲饗秋月不可與俗士賞已得樽前兩友生更思一士濟陽城兩生謂堯民明略
一士謂無咎時在

濟州雖無四至九卿之規畫猶有千秋萬歲之眞榮空名未食太倉米今作斑衣

老萊子卿家嗣宗望爾來嗣宗謂堯民爲無咎之
諸父以無咎比阮咸也不獨我聞足音喜西風索寞葉

初乾長鋏歸來亦罷彈窮巷蓬蒿深一尺朱門廉陛高難攀吾儕相逢置是事百世之下仰高山

再次韻呈明略並寄無咎

夏雲涼生土囊口周鼎湯盤見科斗清風古氣滿眼前乃是戶曹報章還只今書生無此語已在貞元元和閒一夫鄂鄂獨無望千夫唯唯皆論賞野人泣血漫相明和氏之璧無連城參軍拄笏看雲氣此中安知枯與榮我夢浮天波萬里扁舟去作鷗夷子兩士風流對酒樽四無人聲鳥聲喜忽幻出二子對酒奇甚夢回擾擾仍世閒心如傷弓怯虛彈不堪市井逐乾沒且願朋舊相追攀寄聲小掾篤行李落日東面空雲山一夫四句言舉世混濁不清是非不

再答明略二首

挾策讀書計餬口故人南箕與北斗江南江北萬重山千里寄書聲不還當時朱絃寫心曲果在高山流水閒枯桐滿腹生蛛網忍向時人覓清賞廖侯文字得我

驚五岳縱橫守巖城萬夫之下不稱屈定知名滿四海非眞榮富於春秋已如此他日卜鄰長兒子一邱各自有林泉扶將白頭親宴喜秋風日暮衣裳單深巷葉落已如彈數來會面復能幾六龍去人不可攀短歌溷公更一和聊乞淮南作小

山

讀書餬口言不能有爲於時也南箕北斗言故人各在天一方也當時四句言良友遠別不復向時人索知音也

廖侯言如不出口銓量古今膽如斗度越崔張與一斑古風蕭蕭筆追還前日辭家來射策聲名籍甚諸公閒華陰白雲鎖千嶂勝日一談誰能賞君不見曩時子產識然明知音鬱鬱閉佳城勿以匣中之明月計校糞上之朝榮我去邱園十年矣種桑可蠶犢生子使年七十今中半安能朝四暮三浪憂喜據席談經只強顏不安時論取譏彈愛君草木同臭味頗似瓜葛相依攀我有仙方煮白石何時期君藍田山

次韻謝子高讀淵明傳

枯木嵌空微暗淡古器雖在無古絃袖中政有南風手誰爲聽之誰爲傳風流豈

落正始後。甲子不數。義熙前。一軒黃菊平生事。無酒令人意缺然。

次韻孔著作早行

棄置鉏犁就車馬。從來計出古人下。塵埃好在三尺桐。不疑萬世期子野。明經使
者著書郎。風雨乘驛忘夙夜。回車過門問無恙。何意深巷勤長者。聖師之後蓋多
賢。領略世故有餘暇。白面長身雖不見。好古發憤尙類也。自然身如警露鶴。每先
鳴雞整初駕。北行河決所至郡。肅肅王命哀鰥寡。力排滹沱避城郭。深澤疲民且
田舍。賈生三策藏胸中。羿矢百中不虛捨。行歸定拜關內侯。但賜黃金恐非價。

無恙者言過家不遠久處也何意句言更不能過訪親長也韓文以孔戮之白面
長身類孔子山谷此詩以孔著作之好古發憤類孔子史注云先言明經使者又
言北行河決蓋比之漢平當也平當以
明經爲博士又以明經禹貢使行河

次韻無咎閣子常攜琴入村

士寒餓古猶今。向來亦有子桑琴。倚檻嘯歌非寓淫。伯牙山高水深深。萬世邱壘

一知音。閣君七絃抱幽獨。晁子爲之梁父吟。山谷嘗寫梁父吟跋云武侯此詩乃
以曹公專國殺楊修孔融荀彧耳此

用梁父吟亦
跋中之意也天寒絡緯悲。向壁秋高風露聲。入林冷絲枯木拂。蛛網十指乃能寫

人心。村。村。擊鼓如鳴鼉。豆田見角穀成螺。晉石崇及衛瓘傳皆言飯化爲
螺此借用以言穀已堅栗也歲豐寒

士亦把酒滿眼釘。餽梨棗多。此四句詠
入村也晁家公子屢經過。公子謂晁氏
之羣從也笑談與世

殊白科。文章落落暎晁董。詩句往往妙陰何。閣夫子。勿謂知人難。使琴抑怨久不

和。明。光。畫。開。疑當作
畫開九門肅不令。高才牛下歌。

贈張仲謀名詢

車如雞栖馬如狗。閉門常多出門少。去天尺五張公子。官居城南池館好。健兒快
馬紫游韁。迎我不知沙路長。高榆老柳媚寒日。枯荷小鴨凍野航。津人刺船起應
客。遙知故人一水隔。下馬索酒呼三遲。騎奴笑言客竟癡。向來情義比瓜葛。萬事
略不置。叮哇追數存亡異。憂樂燭如白虹貫。酒卮開軒臨水弄。長笛吹落殘月風。
淒淒城頭漏下四十刻。破魔驚睡聽新詩。君詩清壯悲節物。政與秋蟲同一律。爾
來更覺苦語工。思婦霜碓擣寒月。朱顏綠髮深誤人。不似草木長青春。潔身好賢

君自有今日相看進于舊以茲敢傾一盃酒為太夫人千萬壽首二句山谷自言近狀也平日出門

極少今張君遣騎來迎故往張氏盡醉極歡

送薛樂道知鄖鄉元祐二年丁卯四十三歲

黃山葉縣連牆居謝公席上對擣蒲雙鬢女弟如桃李蚤許歸我舍中鷄平生同

憂共安樂歲晚相望青雲衢去年樽酒輦轂下各喜身為反哺烏城頭歸鳥尾畢

逋春寒啄雪送行車解珮我無明月珠折柳不對千里駒念君胸中極了了作吏

辦事猶詩書濁酒挽人作年少關防心地亦時須鄖鄉縣古民少訟但問自己不

關渠登臨一笑雙白髮宜城凍笋供行廚人生此樂他事無行李道出漢南都寄

聲諸謝今何如謝公書堂迷竹塢手種竹今青青否我思謝公淚成雨屬公去灑

穰下土首八句無玉佩以贈送而從折柳與千里駒不相稱也國藩疑不字有誤

或作懶對千里駒也南陽漢之南都宋之鄧州山谷繼室南陽謝師厚之女諸謝謂

公靜也定輩也

對酒歌答謝公靜謝師厚二子惜字公靜字公定元豐元年戊午三十四歲

我為北海飲君作東武吟看君平生用意處瀟灑定自知人心南陽城邊雪三日

愁陰不能分皁白摧輪踠蹄泥數尺城門晝閉眠賈客移人僵尸在旦夕誰能忍

飢待食麥身憂天下自有人寒士何者愁填臆民生政自不願材可乘以車可鞭

策君不見海南水沈紫旃檀碎身百鍊金博山豈如不蒙斧斤賞老大絕崖霜雪

閒投身有用禍所集何況四達之衢井先汲昨日青童天上回手捧玉帝除書來

一番通籍清都闕百身書名赤城臺飛昇度世無虛日怪我短褐趨塵埃顧謂彼

童子此何預人事但對金樽即眼開一杯引人著勝地傳聞官酒亦自清徑須沽

取續吾瓶南山朝來似有意今夜儻放春月明南陽城邊十句言雨雪嚴寒小民貧餓可憂而又以不居其位憂亦

無益故作寬解之詞也青童之辭蓋言勸以枉尺直尋致身通顯者而答以但當飲酒詭辭謝之也

戲贈彥深元注云李原字彥深厚之弟家居南陽

李髯家徒立四壁未嘗一飯能留客春寒茅屋交相風倚牆捫蝨讀書策老妻甘

貧能養姑。寧翦髻髮不典書。大兒得殮不索魚。小兒得禪不索襦。庾郎鮭菜二十
七。太常齋日三百餘。上丁分膳一飽飯。藏神夢訴羊蹴蔬。世傳寒士有食籍。一生
當飯百甕菹。冥冥主張審如此。附郭小圃宜勤鋤。蔥秧青青葵甲綠。早韭晚菘羹
糝熟。充虛解戰賴湯餅。芼以苜蓿與甘菊。幾日憐槐已著花。一心呪筍莫成竹。羣
兒笑髻窮百巧。我謂勝人飯重肉羣兒笑。髻不若人我獨愛。髻無事貧君不見猛
虎。卽人厭麋鹿人還寢。皮食其肉濡需終與豕俱焦。飫肥擇甘果非福。蟲蟻無知
不足驚。橫目之民萬物靈。請食熊蹯楚千乘。立死山壁漢公卿。李髯作人有佳處
李髯作詩有佳句。雖無厚祿故人書。門外猶多長者車。我讀揚雄逐貧賦。斯人用
意未全疏。

和謝公定征南謠

熙寧八年交趾入寇陷廉。嶺三州神宗以趙高爲招討使。郭達爲宣撫使。討平之。而費錢帛甚多。二廣之民大困。

傳聞交州初陸梁。東連五溪西氏羌。軍行不斷蠻標盾。標槍大盾南蠻所執之軍器也。謀主皆收

漢畔亡。合浦廉州也譙門腥血沸。晉興越州也城下白骨荒。謀臣異時坐致寇。守臣今

日愧苞桑。已遣戈船下灘水。更分樓船浮豫章。頗聞師出三鷓路。盡是中屯六邱

良。漢南食麥如食玉。湖南驅人如驅羊。營平請穀三百萬。祁連引兵九千里。少府

私錢不可知。大農計歲今餘幾。土兵蕃馬貌虎同。蝮蛇毒草篁竹中。未論芻粟捐

金費。直愁瘴癘連營空。我思荊州李太守。欲募蠻夷令自攻。至今民歌尹殺我州

郡。擇人誠見功。張喬祝良不難得。誰借前筋開天聰。後漢永和二年日南徵外蠻反。李固薦張喬。祝良爲刺史。

太守募蠻夷自相攻。嶺外悉平。詔書哀痛言語切。爲民一洗橫尸血。摧鋒陷堅賞萬戶。塹山堙谷

窮三穴。南平舊時頗。臣順欲獻封疆。請旄節廟謀。猶計病中原。豈知一朝更屠滅。

天道從來不爭勝。功臣好爲可喜說。交州雞肋安足貪。漢開九郡勞臣監。呂嘉不

肯佩銀印。徵側持戈敵百男。君不見往年瀕海未郡縣。趙佗閉關罷朝獻。老翁竊

帝聊自娛。白頭抱孫思事漢。孝文親遣勞苦書。稽首請去黃屋車。得一亡十終不

忍。太宗之仁千古無。

和答梅子明王揚休點密雲龍

武英殿聚珍本無此詩

小壁雲龍不入香。元豐龍焙承詔作。二月嘗新官字蓋。遊絲不到延春閣。去年曾
口減光輝人間十九人。未知外家春官小宗伯。分送蓬山裁半壁。建安甕碗鷓鴣
班。谷簾水與月共色。五除試湯飲墨客。泛甌銀粟無水脈。辟宮邂逅王廣文。初觀
團團破龍紋。諸公自別淄澠了。兔月葵花不足論。石磴春芽風雪落。煮澆肺渴初
不惡。河伯來觀東海若。鹿逢朱雲真折角。子真雲孫唾成珠。廟堂只今用諸儒。鍊
成五石補天手。上書致身可亨衢。顧我賜茶無骨相。他年幸公肯相餉。

送劉道純 劉格字道純劉恕道原之弟為司馬溫公蘇東坡所知

五松山下古銅官。邑居褊小水府寬。民安蒲魚少鬻訟簿領未減一邱槃 道純時當為銅

胸中崢嶸書萬卷。簸弄日月江湖閒。稠人廣眾自神王。按劍之眼白相看 陵主簿故云

老身風浪諳世味。如食橘柚知甘酸。麒麟圖畫偶然耳。半 謂道純對衆人白眼向之

枕百年夢邯鄲。平生樽俎宮亭上。涉世忘味皆朱顏 皆朱顏謂長醉不省事也

尚無恙。追啄秀句酬江山。堂堂今為蛻蟬去。五老偃蹇無往還。大梁城中笏拄頰 謂劉翁凝之

頽髭今成雪。點斑青雲何必出。公右亨衢在天無。由攀椎鼓轉船如病。已夢想樓

臺。落星灣子政諸兒喜文史。阿秤亦聞有筆端 子政謂道原也諸兒和叔曰秤

可量詩書且對藜藿盤。穴中生涯識陰雨。木末牖戶知風寒。我今四壁戀微祿。知

公未能長挂冠。

次韻子瞻春菜 熙寧十年丁巳三十三歲時東坡在徐州山谷在大名始與坡通書問

北方春蔬嚼冰雪。妍暖思采南山蕨。韭苗水餅姑置之。苦菜黃雞羹糝滑。蓴絲色

紫菰首白 菰與苽同影胡也 萋蒿牙甜蔞頭辣 蔞音犂菜辛辣 生菹入湯翻手成。筆以薑

橙誇縷抹。驚雷菌子出萬釘。白鵝截掌鱉解甲。琅玕林深未飄籜。輒炊香粳煨短

茁 萬釘喻菌子之形鵝掌鱉甲喻菌子之色與味短茁筍之初出者 萬錢自是宰相事。一飯且從吾黨說。公如端

為苦笋歸。明日青衫誠可脫。

六舅以詩來覓銅犀用長句持送舅氏學古之餘復味禪說故篇末及之

海牛壓紙寫銀鈎。阿雅守之索自收 阿雅蓋山谷之子也元注者將據為己有也 長

防玩物敗兒性得歸老成散百憂先生古心冶金鐵堂堂一角誰能折兒言穀棘持贈誰外家子雲乃翁師不著鼻繩袖兩手古犀牛兒好看取

次韻子瞻與舒堯文禱雪霧豬泉倡和元豐元年戊午三十四歲

老農年饑望人腹按說文望字从臣月滿也从亡望其還也莊子無聚祿以望人

臣不從亡此云年饑望人腹蓋誤用莊子耳想見四溟森雨足林回投壁負嬰兒豈聞烹兒翁不哭未

論萬戶無炊煙蛛絲蝸涎經杼軸使君閱雪無肉味閱雪用穀梁閱雨字煮餅青蒿下鹽菽

豈云翦爪宜侵肌豈云猶止霜不殺草仍故綠幽靈變鼻西山霧牲肥酒香神未瀆

得微往從董父餐得微猶云得無也寧當罪繫葛陂淵後漢費長房曰東海君有罪吾前繫於葛陂今出之使作雨於是雨

立卜擇祠官齊博士齊博士指舒堯文時為教授暴露致告蒼崖顛請天行澤不汲汲爾亦枯

魚過河泣二句堯文告龍之詞爾指龍也生鵝斬頸血未乾風馬雲車坐相及百里旌旗灑玉花

使君義動龍蛇蟄老農歡喜有春事呼兒飯牛理簞笠博士勿歎從公疲從公指東坡也

明年麥飯滑流匙

答王道濟寺丞觀許道寧山水圖

往逢醉許在長安蠻溪大硯磨松煙忽呼絹素翻硯水久不下筆或經年異時踏

門闖白首巾冠欹斜更索酒舉杯意氣欲翻盆倒臥虛樽將八九醉拈枯筆墨淋

浪勢若山崩不停手數尺江山萬里遙滿堂風物冷蕭蕭山僧歸寺童子後漁伯

欲渡行人招先君笑指溪上宅鷓鴣白鷺如相識許生再拜謝不能元是天機非

筆力百言年少眼明時手揮八幅錦江絲贈行卷送張京兆史注云張京兆疑是張乖崖心知

李成是我師張公身逐銘旌去流落不知今主誰大梁畫肆閱水墨我君槃礴忘

揖客先君我君似皆指山谷之父蛛絲煤尾意昏昏幾年風動人家壁雨雪泔泔滿寺庭四圖

冷落讓丹青笑訓肆翁十萬錢卷付騎奴市盡傾王丞來觀皆失席指點如見初

畫日四時風物入句圖信知君家有摩詰我持此圖二十年眼見綠髮皆華顛許

生縮手入黃泉衆史弄筆摩青天君家枯松出老翟風煙枯枝倚崩石蠹穿風物

君愛惜不誣方將有人識首四句敘昔在京師見許作畫異時至非筆力十四句敘許曾在黃家作畫自言以下至市盡傾敘許自言

在蜀畫八幅山水而黃家在汴梁以十萬錢購得也讓丹青之下
誰比數十萬酬之觀者驚客還次第閱春夏坐見歲序空嶢嶢王丞來觀歎噴噴指
初畫如見

聽崇德君鼓琴

又有觀崇德君墨竹歌

辛亥二十七歲○朝議大夫王之才妻南昌縣君李氏尚書公擇之妹能臨松竹木石等畫山谷有姨母李夫人墨竹詩

月明江靜寂寥中大家欵袂撫孤桐古人已矣古樂在髣髴雅頌之遺風妙手不

易得善聽良獨難猶如優曇華時一出世閒兩忘琴意與己意迺似不著十指禪

禮心默默三淵靜幽谷清風淡相應絲聲誰道不如竹我已忘言得真性罷琴窗

外月沉江萬籟俱空七絃定

次韻答楊子聞見贈

金盤厭飫五侯鯖玉壺澆潑郎官清長安市上醉不起左右明妝奪目精結交賢

豪多杜陵桃李成蹊臥落英

六句絃音在京師宴游之盛

黃綬今為白下令

元注云太和縣古白下

蒼顏

只使故人驚督郵小吏皆趨版陽春白雪分吞聲

分吞聲猶云甘吞聲不復道及其獨唱無和故甘吞聲不復道及也

楊君青雲貴公子歎嗟簿領困書生贈我新詩甚高妙淚斑斑枯笛月邊橫文章不

直一杯水老矣忍與時人爭江城歌舞聊得醉但願數有美酒傾莫要朱金纏縛

我陸沉世上貴無名

答永新宗令寄石耳

飢欲食首山薇渴欲飲潁川水嘉禾令尹清如冰寄我南山石上耳筠籠動浮煙

雨姿淪湯磨沙光陸離竹萌粉餌相發揮芥薑作辛和味宜公庭退食飽下筯杞

菊避席遺萍蓋雁門天花不復憶況乃桑鵝與楮雞小人藜藿亦易足嘉蔬遺餉

荷眷私以上贊石耳之佳以下言吾聞石耳之生常在蒼崖之絕壁苔衣石腴風

日炙捫蘿挽葛探萬仞足委骨豺虎宅佩刀買犢劍買牛作民父母今得職閔

仲叔不以口腹累安邑我其敢用鮭菜煩嘉禾願公不復甘此鼎免使射利登嵯

峨

寄張宜父

史注云張宜父當是建德人而仕於山陽時已解去

建德之國有佳人明珠為佩玉為衣去國三歲阻音徽所種桃李民愛之射陽城
邊春爛漫柳暗學宮鳥相喚追隨裘馬多少年獨忍長飢把書卷讀書萬卷不直
錢逐貧不去與忘年虎豹文章被禽縛何如達生自娛樂

高至言築亭於家圃以奉親總其觀覽之富命曰溪亭乞余賦詩余先君之

敝廬望高子所築不過十牛鳴爾故余未嘗登臨而得其勝處

逸人生長在林泉更築亭皋名意在明月清風共一家全以山川為眼界鳥度雲
行閱古今溪濱木末聽竿籟老夫平生行樂處只今一作許公分一派

彫陂

彫陂之水清且泚屈為印文三百里呼船載過七十餘褰裳亂流初不記元注云乘舟上

十餘渡徒涉者不可勝記竹輿嘔啞山徑涼僕姑呼婦聲相倚篁中猶道泥滑滑僕夫慘慘耕

夫喜窮山為吏如漫郎安能為人作嘴矢老僧迎謁喜我來吾以王事篤行李知

民虛實應縣官應縣官者供應公家之賦役也我寧信日不信耳僧言生長八十餘縣令未曾身

到此

上權郡孫承議

公家簿領如雞棲私家田園無置錐真成忍罵加飡飯不如江西之水可樂飢他
人勤拙猶相補身無功狀堪上府公誠遣騎束縛歸長隨白鷗臥煙雨

奉答茂衡惠紙長句羅茂衡太和人

陽山老藤截玉肪烏田翠竹避寒光羅侯包贈室生白明於機上之流黃愧無征
南薑尾手為寫黃門急就章征南謂索靖為征南司馬黃門謂史游也羅侯相見無雜語苦問滄山有

無句春草肥牛脫鼻繩菰蒲野鴨還飛去故將藤面乞伽佗梵語伽佗此言調誦願草驚虵
起風雨長詩脫紙落秋河要知溪工下手處卻將冰幅展似君震旦花開第一祖

長句謝陳適用惠送吳南雄所贈紙陳適用為廬陵縣令與山谷同時作邑

廬陵政事無全牛恐是漢時陳太邱書記姓名不肯學得紙無異夏得裘琢詩包
紙送贈我自狀明月非暗投詩句縱橫翦宮錦惜無阿買書銀鈎蠻溪切藤卷盈

百側釐羞滑繭羞白想當鳴杵礎面平枕榔葉風溪水碧恍榔木廣南所出南雄州亦隸廣南千里

鵝毛意不輕瘴衣腥膩北歸客君侯謙虛不自供胡不贈世文章伯一涔之水容

牛蹄識字有數我自知小時雙鉤學楷法至今兒子憎家雞雖然嘉惠敢虛辱

泥續尾成大軸寫心與君心莫傳平生落魄不問天樽前花底幸好戲為君絕筆

謝風煙已無商頌猗那手請續南華內外篇

和答師厚黃連橋壞大木亦為秋電所碎之作戊午三十四歲

溪橋喬木下往歲記經過居人指神社不敢尋斧柯青陰百尺蔽白日烏鵲取意

占作窠黃泉浸根雨長葉造物著意固已多風摧電一作電打掃地盡竟莫知為何

謹訶獨山冷落城東路不見指名終不磨

上大蒙籠乙卯辰起作元豐五年壬戌年三十八歲

黃霧冥冥小石門苔衣草路無人迹苦竹參天大石門虎迹兔蹊聊倚息陰風搜

林山鬼嘯千丈寒藤繞崩石清風源裏有人家牛羊在山亦桑麻向來陸梁媢官

府試呼使前問其故衣冠漢儀民父子吏曹擾之至如此窮鄉有米無食鹽今日

有田無米食史注云無米食當作無食米但願清官不愛錢長養兒孫聽驅使

追憶予泊舟西江事次韻按山谷以元豐六年十二月移監德平鎮此詩題曰追憶當在已離太和之後

老大無機如漢陰白鳥不去相知深往事刻舟求墜劍懷人揮淚著亡簪城南鼓

罷吹畫筒城北歸帆落晚風人煙犬吠西山麓鬼火狐鳴春竹叢

附李才甫西江泊舟後作

江水冥冥沙石陰一舸行盡春已深浪花綠蔓曳錦帶短蘆刺水抽玉簪飢魚未沈波面筒小舫正橫溪上風清輝濯淨遠山碧白鳥飛入蒼煙叢

次韻郭明叔長歌

君不見懸車劉屯田屯田名漢字凝之歐陽公為賦廬山高者騎牛澗壑弄潺湲八十層紅眼點漆金

鍾舉酒不留殘君不見征西徐尙書尙書徐禧字德占分甯人與山谷同鄉死於永樂之禍贈吏部尙書諡忠愍為國

捐軀矢石閒龍章鳳姿委秋草天馬長辭十二閑何如高陽酈生醉落魄長揖輟

洗驚龍顏丈夫當年傾意氣安用蚓食而蝸蚶古人已作泉下土風義可想猶斑

斑郭侯忠信如古人。薦書飛名上九關。詩書自可老斲輪。智略足以解連環。銅章
屈宰山水縣。友聲相求不我頑。鵬翼垂天公直起。燕巢見社身思還。自謂也山谷時自太和還家故云見社文思舜禹開言路。即看承詔著豸冠。尚趨手板事直指。少忍
吏道之多艱。黃花零落一尊酒。別有天地非人寰。

奉送時中攝東曹獄掾時中蓋太和同官將赴廬陵郡城攝事

公退蒲團坐後亭。短日松風吟萬籟。黃葵紫菊委榛叢。雪梅靚妝欲無對。遣騎相
呼近清樽。言君曉鼓前征旆。蒼崖按轡虎豹號。野水呼船風雨晦。昨日歸來有行
色。未曾從容解冠帶。府中奪我同官良簡書。趣行將數輩。王事君今困馬鞍。田園
我亦思牛背。安得歸舟載月明。鷓鴣白鷗為友生。一身不是百年物。五湖無邊萬
里行。欲招叢筍同雲水。念君未可及吾盟。富於春秋貌突兀。睥睨滿世收功名。參
軍雖卑獄司命。多由陰德至公卿。顛頤折頰秦相國。不滿三尺齊晏嬰。丈夫身在
形骸外。俗眼那能致重輕。首四句山谷自述近狀遣騎句山谷遣人邀時中來署同飲也昨日句時中甫自外歸又將赴郡也

次韻和答孔毅甫孔平仲字毅甫嘗為吉倅時監江州錢監

鵬飛鯤化未即。逍遙游龍章。鳳姿終作廣陵散。溢浦鑪邊督數錢。故人陸沈心可
見。氣與神兵上斗牛。詩如晴雪濯江漢。把詠公詩闔且開。旁無知音面牆歎。我今
廢書迷簿領。魚蠹筆鋒蛛網硯。六年國子無寸功。猶得江南萬家縣。六年國子監
授也萬家縣太和也客來欲語誰與同。令人熟寐觸屏風。竊食仰愧冥冥鴻。少年所期如夢
中。江頭酒賤樽屢空。南山有田歲不逢。相思夜半涕無從。千金公亦費屠龍。

更用舊韻寄孔毅甫

鑿中之髮蒲柳望。秋衰眼中之人風。雨俱星散往者託。體同青山健者飄。零不相
見。庾公樓上有詩人。平生落筆瀉河漢。置驛勤來索我詩。自說中郎識元歎。我方
凍坐酒官曹。為公然薪炙冰硯。不解窮愁著一書。豈有文章名九縣。奴星結柳送
文窮。退倚北窗睡。松風太阿耿耿截。歸鴻夜思龍泉號。匣中斗柄垂天霜。雨空獨
雁叫。羣雲萬重何時握。手香爐峯下看寒泉。濯臥龍。益浦庾公樓香爐峯均指毅甫父時在江州也

寄題安福李令愛竹堂

淵明喜種菊子猷喜種竹託物雖自殊心期俱不俗千載得李侯異世等風流為
官恐是陶彭澤愛竹最如王子猷寒窗對酒聽雨雪夏簟烹茶臥風月小僧知令
不凡材自掃竹根培老節富貴於我如浮雲安可一日無此君人言愛竹有何好
此中難為俗人道我於此物更不疏一官窘束何由到

八月十四日夜刀坑口對月奉寄王子難子聞適用

元注云聞郡中數月未嘗有燕游

去年對月廬陵郡醉留歌舞踏金沙今年今夕千峯下新磨古鑿動菱花寒藤老
木被光景深山大澤皆龍蛇西風為我奏萬籟落葉起舞驚棲鴉遙憐城中二三
友風流慣醉玉釵斜今夕傳杯定何處應無二十四琵琶

贈王環中

丹霞不踏長安道生涯蕭條破席帽囊中收得劫初鈴夜靜月明師子吼那伽定
後一爐香梵言那伽此言龍也牛沒馬回觀六道耆域歸來日未西一鉏識盡婆娑草

戲和于寺丞乞王醇老米

君不見公車待詔老詼諧幾年索米長安街君不見杜陵白頭在同谷夜提長鏡
掘黃獨文人古來例寒餓安得野蠶成繭天雨粟王家圭田登幾斛于家買桂炊
白玉

謝文灝元豐上文藁

虎豹文章非一斑乳雉五色蜃胎寒天生材器各有用相如名獨重太山風流小
謝宣城後少年如春膽如斗裕陵書藁公不朽持心鐵石要長久

寄朱樂仲

故人昔在國北門國北門謂北大名也鄰舍杖藜對樽酒十五餘年乃一逢黃塵急流語
馬首懶書愧見南飛鴻君居三十六峯東我心想見故人面曉雨垂虹到望崧

次韻子瞻書黃庭經尾付蹇道士

成都道士蹇拱宸翊之葆光法師將歸廬山東坡為書黃庭經一卷李伯時為畫經

相贈之時山谷亦正在史局

琅函絳簡蕊珠編寸田尺宅可蘄仙高真接手玉宸前女丁來謁粲六妍金鑰閉
欲形完堅萬物蕩盡正秋天使形如是何塵緣蘇李筆墨妙自然萬靈拱手書已
傳傳非其人恐飛鶯當付驪龍藏九淵蹇侯奉告請周旋緯蕭探手我不眠。此句疑有誤

送曹子方福建路運判兼簡運使張仲謀元祐三年九月太僕寺丞曹輔權發遣福建路轉運判官

曹侯黃須便弓馬從軍賦詩橫槩間阿瞞文武如兕虎遠孫風氣猶斑斑昨解弓
刀丞太僕坐看收駒十二閑遠方不異輦轂下詔遣中使哀恫鰥吾聞斯民病鹽
策天有雨露東南乾謝君論河秉禹貢詰難蠶起安如山老郎不作患失計凜然
宜著侍臣冠願公不落謝君後江湖以南尙少寬百城閱人如閱馬要駕亦要知
才難鹽車之下有絕足敗羣勿縱爲民殘官焙薦璧天解顏淪湯試春聊加飡子
魚通印蠓破山。蒲陽子魚名天下今人必求其大可容印者謂之通印子魚不但蕉黃荔子丹道逢使者漢郎
官使者謂張仲謀清溪弭節問平安天子命我參卿事奮髯相對亦可歡迴波一醉嘲栲

栲山驛官梅破小寒

戲贈曹子方家鳳兒

揀芽

蠟茶名也

入湯師子吼荔子新剝女兒頰鳳郎但喜風土樂不解生愁山疊疊日

如點漆射清揚歸時定自能文章莫隨閩嶺三年語轉卻中原萬籟簧

鳳兒當是子方侍婢

末句恐其以閩語而變嬌音也

題韋偃馬

韋侯常喜作羣馬杜陵詩中如見畫忽開短卷六馬圖想見詩老醉騎驢龍眠作
馬晚更妙至今似覺韋偃少一洗萬古凡馬空句法如此今誰工

和曹子方雜言

史注云曹輔字子方爲太僕寺丞前集有次韻答曹子方雜言此篇亦次韻也而不言次韻疑是先作此篇後復竄易故

兩存耳

正月尾垂雲如覆孟雁作斜行書三十六陂浸煙水想對西江彭蠡湖人言春色

濃如酒不見插秧吳女手冷卿小鳩頗藏春

史注云外集有冷庭叟詩其序云庭叟有佳侍兒因早朝而逸去疑庭叟

即冷

張侯官居柳對門

史注云張侯謂閩漕張仲謀內集答曹雜言詩任注亦指張侯為仲謀

當風橫笛留三弄燒

燭圍碁覆九軍盡是向來行樂事每見琵琶憶朝雲只今不舉蛾眉酒紅牙捍撥

網蛛塵曹侯束書丞太僕試說相馬猶可人照夜白真乘黃萬馬同秣隨低昂一

矢射落阜鵬雙張侯猶思在戎行橫山虎北開漢疆冷卿智多髮蒼浪牛刀發劘

思一邦政成十綴舞紅妝兩侯不如曹子方朵頤論詩蝟毛張龜藏六用中有光

龜藏六謂首尾及四足凡六皆藏也六用又借用楞嚴經字

何時端能俱過我掃除北寺讀書堂菊苗煑餅深

注湯更碾盤龍不入香

送張材翁赴秦簽

金沙醱醱春縱橫提壺粟留催酒行公家諸父酌我醉橫笛送晚延月明此時諸

兒皆秀發酒閒乞書藤紙滑北門相見後十年醉語十不省七八吏事袞袞談趙

張乃是樽前綠髮郎風悲松邱忽三歲更覺綠竹能風霜去作將軍幕下士猶聞

防秋屯虎兕只今陛下思保民所要邊頭不生事短長不登四萬日愚智相去三

十里百分舉酒更若為千戶封侯儻來爾

送呂知常赴太和丞

元豐七年甲子

我去太和欲暮矣呂君初得太和官邑中亦有文字樂惜不同君澗谷槃觀山千

尺夜泉落快閣六月江風寒往尋佳境不知處掃壁覓我題詩看

老杜浣花谿圖引

拾遺流落錦官城故人作尹眼為青碧雞坊西結茅屋百花潭水濯冠纓故衣未

補新衣綻空蟠胸中書萬卷探道欲度羲皇前論詩未覺國風遠干戈崢嶸暗寓

縣杜陵韋曲無雞犬老妻稚子且眼前弟妹飄零不相見此公樂易真可人園翁

溪友肯卜鄰鄰家有酒邀皆去得意魚鳥來相親浣花酒船散車騎野牆無主看

桃李宗文守家宗武扶落日蹇驢馱醉起願聞解鞍脫兜鍪老儒不用千戶侯中

原未得平安報醉裏眉攢萬國愁生絹鋪牆粉墨落平生忠義今寂寞兒呼不蘇

驢失脚猶恐醒來有新作常使詩人拜畫圖煎膠續絃千古無

奉謝劉景文送團茶

劉侯惠我大玄璧。上有雌雄雙鳳跡。鵝溪水練落春雪。鵝溪蜀絹也。以絕細之粟絹為羅。使茶如雪落也。粟面一杯增日力。粟面蓋茗花也。劉侯惠我小玄璧。自裁半璧煮瓊糜。收藏殘月惜未碾。直待阿衡來說詩。絳囊團團餘幾璧。因來送我公莫惜。個中渴羌飽湯餅。雞蘇胡麻煮同喫。

謝景文惠浩然所作廷珪墨

廷珪質墨出蘇家。麝煤漆澤紋烏韉。蘇家謂蘇浩然墨也。用高麗煤雜遠煙作之。柳枝瘦龍印香字。十襲一日三摩挲。劉侯愛我如桃李。揮贈要我書萬紙。不意神禹治水圭。忽然入我懷袖裏。吾不能手抄五車書。亦不能寫論付官奴。便當閉門學水墨。灑作江南驟雨圖。李成營邱人有驟雨圖。

贈陳師道

陳侯學詩如學道。又似秋蟲噫寒草。日晏腸鳴不俛眉。得意古人便忘老。君不見

向來河伯負兩河。觀海乃知身一蠶。旅床爭席方歸去。秋水黏天不自多。春風吹園動花鳥。霜月入戶寒皎皎。十度欲言九度休。萬人叢中一人曉。貧無置錫人所憐。窮到無錐不屬天。呻吟成聲可管絃。能與不能安足言。

戲答仇夢得承制

仇侯能騎矍鑠馬。席上亦賦競病詩。玄冬未雷蒼蛇臥。玉山無年天馬饑。二年荷戈對搖落。十倍乞弟亦可縛。何如萬騎出河西。捕取弄兵黃口兒。黃口兒指夏主乾順方幼也。

秦少游作任師中墓表云。元豐中朝廷治西南乞弟之罪。至於斬將帥。繼監司兩蜀。騷然四年而後定。

和任夫人悟道

夫亡子幼如月魄。摧盡蛾眉作詩客。二十餘年刮地寒。見兒成人乃禪寂。萬事新。新不留。故瘦藤六尺持門戶。煩惱林中即是禪。更向何門覓重悟。

雜言贈羅茂衡

嗟來茂衡學道如登。欲與天地為友。欲與日月並行。萬物崢嶸。本由心生。去子之

取舍與愛憎。惟人自縛非天黥。墮子筋骨。堂堂法窟。九邱四溟。同一眼精。不改五
官之用而透聲色。常爲萬物之宰而無死生。念子坐幽室。爐香思青冥。是謂螻蟲
欲作。吾驚之以雷霆。

渡河

客行歲晚非遠遊。河水無情日夜流。去年排堤注東郡。詔使奪河還此州。憶昔冬
行河梁上。飛雪千里曾冰壯。人言河源凍徹天。冰底猶聞沸驚浪。

玉京軒

元注云玉京山在香爐峯下落星寺僧
開軒對之○元豐三年庚申三十六歲

蒼山其下白玉京。五城十二樓。鬱儀結鄰常杲杲。

黃庭經注云鬱儀奔日
之仙結鄰奔月之仙

紫雲黃

霧鎖玄關雷驅不祥電。揮掃上有千年來歸之白鶴。下有萬世不凋之瑤草。野僧
雲臥對開軒。一鉢安巢若飛鳥。北風卷沙過夜窗。枕底鯨波撼蓬島。個中卽是地
行仙。但使心閑自難老。前六句賦山
後六句賦軒

宮亭湖

左手作圓右手方。世人機敏便可爾。一風分送南北舟。斟酌鬼神宜有此。江津留
語同濟僧。他日求我於宮亭。吁嗟人蓋自有口。獨爲樂公不舉酒。樂公千歲湖冥
冥。白茅縮酒巫送迎。朱幡阜蓋來託宿。不聽靈君專此屋。雄鴨去隨鷗鳥飛。老巫
莫歌望翁歸。貝闕珠宮開水府。雨棟風簾豈來處。平生來往湖上舟。一官四十已
包羞。山谷以乙酉生至元豐七年甲
子去太和而北行恰四十歲靈君如願儻可乞。收此桑榆老故邱。史注引
神仙樂

阻水泊舟竹山下

元豐三年庚
申三十六歲

竹山蟲鳥朋友語。討論陰晴怕風雨。丁寧相教防禍機。草動塵驚忽飛去。提壺歸
去意甚真。柳暗花濃亦半春。北風幾日銅官縣。欲過五松無主人。

別蔣穎叔

蔣之奇字穎叔新法行屢爲福建通判淮東運副江西河北等運
副又爲陝西運副後爲淮南轉運使江淮荆湖等路發運副使此

詩當在蔣爲陝
西運副時也

金城千里要人豪。

金城千里
謂秦中

理君亂絲須孟勞。文星合在天東壁。清都紫微醉雲

漱荆溪居士傲軒冕胸吞雲夢如秋毫。三品衣魚人仰首。蔣於元豐六年奏計賜三品服不見全

牛可下刀。秦川渭水森長戟。方壺蓬萊冠巨鼇。萬釘寶帶瑠玕席。獻納論思近赭

袍。連營貔虎湛如水。開盡西河擁節旄。何時出入諸公閒。淮湖閱船今二毛。此句疑有

誤鑿渠決策與天合。蔣在淮南始鑿泗洲險支祈窘束縮怒濤。衣食京師看上計。陛

下文武收英髦。春風淮月動清鑿。白拂羽扇隨輕舸。下榻見賢傾禮數。後車載士

回風騷。斲鼻於郢觀魚於濠。小夫閱人蓋多矣。幾成季咸三見逃。

書石牛溪旁大石上

石牛洞在三祖山山谷寺之西北其石狀如伏牛因此號山谷道人題此

詩於石上

鬱鬱窈窈天官宅。諸峯排霄帝不隔。六時謁天開關鑰。我身金華牧羊客。羊。眠。野。

草。我。世。閒。高。真。衆。靈。思。我。還。石。盆。之。中。有。甘。露。青。牛。駕。我。山。谷。路。

何氏悅亭詠柏

澗底長松風雨寒。岡頭老柏顏色悅。天生草木臭味同。同盛同衰見冰雪。君莫愛。

清江百尺船。刀鋸來謀歲寒節。千林無葉草根黃。蒼髯龍吟送日月。

薄薄酒二章 並序

蘇密州爲趙明叔作薄薄酒二章憤世疾邪其言甚高以予觀趙君之言

近乎知足不辱有馬少游之餘風故代作二章以終其意

薄酒可與忘憂醜婦可與白頭徐行不必駟馬稱身不必狐裘無禍不必受福甘

餐不必食肉富貴於我如浮雲小者譴訶大戮辱一身畏首復畏尾門多賓客飽

僮僕美物必甚惡厚味生五兵匹夫懷璧死百鬼瞰高明醜婦千秋萬歲同室萬

金良藥不如無疾薄酒一談一笑勝茶萬里封侯不如還家

薄酒終勝飲茶醜婦不是無家醇醪養生等刀鋸深山大澤生龍蛇秦時東陵千

戶食何如青門五色瓜傳呼鼓吹擁部曲何如春雨一池蛙性剛太傅促和藥何

如羊裘釣煙沙綺席象床瑠玉枕重門夜鼓不停撾何如一身無四壁滿船明月

臥蘆花吾聞食人之肉可隨以鞭朴之戮乘人之車可加以鈇鉞之誅不如薄酒

醉眠牛背上醜婦自能搔背痒

賦半 巖下放言五首 史注文選陸士衡有連珠五十首山谷效其體而更其名曰放言國藩按冠鰲臺池亭之末不用偶句靈椿之首不用韻

定語又不與連珠體相合此體篇無

釣臺

林居野處而貫萬事花落鳥啼而成四時物有才德水為官師空明湛羣木之影

搏擊下諸峯之熾游魚靜而知機君子樂而忘歸

冠鰲臺

石生涯於寒藤藤者造於崖樹鰲插翼而成鵬隘六合而未翥我來兮自東攀桂

枝兮容與倚嵌巖兮顧同來謂公等其皆去

池亭

水嬉者游魚林樂者啼鳥志士仁人觀其大薪翁笏婦利其小有美一人獨燕居

萬物之表

博山臺

石蘊瓊璠山得其來之澤木無犧象天開不材之祥屹金爐之突兀其山海之來

翔然以明哲之火熏以忠信之香俯仰一時非智所及付與萬世其存者長

靈椿堂

蒼苔古木相依澗壑之濱黃葛女蘿自致風雲之上人就陰而息迹鳥投莫而來

歸水影林光常相助發溪聲斧響直下稱提

題章和甫釣亭放言

元豐六年癸亥

斬木開亭卻倚石壁寒潭百雷古木千尺觀魚樂而相忘聽鳥啼而自得去而京

贈元發弟放言

虧功一簣未成邱山鑿井九階不次水澤行百里者半九十小狐汔濟濡其尾故

曰時乎時不再來終終始始是謂君子

二十八宿歌贈別無咎

虎剝文章犀解角食未下亢奇禍作藥材根氏罹斷掘蜜蟲奪房抱饑渴有心無
心材慧死人言不如龜曳尾有心謂虎犀與蜜無也衛平哆口無南箕斗柄指日江

使噫

神龜為江使漁者豫且網得之宋元王問衛平而知之見史記龜策傳無南箕云者謂衛平之口更大於南箕也此二句言神龜以夢而死與上六句同意

狐腋牛衣同一煖高邱無女甘獨宿虛名挽人受實禍累棋既危安處我室中凝

塵散髮坐四壁蠹蠹見天大奎啼曲隈取脂澤婁豬艾緞彼何澤傾腸倒胃得相

知貫日食昂終不疑古來畢命黃金臺佩君一言等觜觶觶觶也謂等觶也月沒參橫

惜相違秋風金井梧桐落故人過半在鬼錄柳枝贈君當馬策歲晏星回觀盛德

張弓射雉武且力此二句不知所謂白鷗之翼沒江波抽絃去軫君謂何

壽聖觀道士黃至明開小隱軒太守徐公為題曰快軒庭堅集句詠之

金華牧羊兒太白古風一粒粟中藏世界呂洞賓使君從南來羅敷行清風明月不用一錢

買太白襄陽歌盧鷺杓鸚鵡杯同上一杯一杯復一杯太白山中對酌玉山自倒非人推襄陽歌廬

山秀出南斗傍太白廬山謠登高送遠形神開銀河倒挂三石梁廬山謠砮崖轉石萬壑

雷太白蜀道難吟詩作賦北窗裏太白寒夜獨酌安得青天化作一張紙長鯨白齒若雪山太白

送寶明府我願因之寄千里

再和公擇舅氏雜言

外家有金玉我躬之道術有衣食我家之德心使我蟬蛻俗學之市鳥哺仁人之

林養生事親汔師古炊玉爨桂能至今歲莫三十裘食口三百指寒不緝江南之

落毛饑不拾狙公之橡子平生荆雞化黃鵠今日江鷗作樊雉人言無忌似牢之

挽入書林覩文字以上感其教養之德以下專謝其贈研更蒙著鞭翰墨場贈研水蒼珪玉方蓬門

繫馬晚色淨茅檐垂虹秋氣涼湔拂垢面生寒光漢隸書呂規其陽呂翁之冶與

天通不但澄泥燒鉛黃初疑蠻溪水中骨不見鸚鵡目突兀但見受墨無聲松花

發頗似龍尾琢紫煙不見羅縠紋粼粼但見含墨不泄如寒淵往在海瀕時晨夕

親几杖恪居有官次遣吏問無恙撫摩寶泓置道山鬱鬱秀氣似舅眉宇間其重

可以回躁進之首其温可以解橫逆之顏烏虜端是萬乘器紅絲潭石之際知才難

奉送周元翁鎖吉州司法廳赴禮部試

周濂溪二子壽濂字通老後改次翁元翁於元豐

五年登第此詩送其赴禮部試也

江南江北木葉黃五湖歸雁天雨霜繫船溢城秣高馬客丁結束女縫裳貢書登名徹未央不比長卿薄游梁南山霧豹出文章去取公卿易驅羊與君初無一日雅傾蓋許子如班揚囚拘官曹少相見忽忽歲晚稼滌場一盃僚友喜多在謝守不見空澄江澄江如練明橘柚萬峰相倚摩青蒼莫堂醺醺客被酒豔歌聒醉燭生光椎鼓發船星斗白明日各在天一方寒鴉滿枝二喬宅樽前顧曲憶周郎鱸魚斫膾蔗爲漿恨君不留誰與嘗殿前春風君射策漢庭諸公必動色故人若問黃初平將作金華牧羊客

送昌上座歸成都

崇寧元年壬午五十八歲

昭覺堂中有道人

昭覺寺在成都道人當是圓悟禪師克勤也崇寧初歸蜀任昭覺寺

龍吟虎嘯隨風雲雨花經席

冷如鐵一膝日轉十二輪寶勝蓬蒿荒小院埋沒醯羅三隻眼

梵語摩醯首羅此云大自在

是江南五味禪更往參尋莫擔板

題杜槃澗叟冥鴻亭

元豐六年癸亥三十九歲

少陵杜鴻漸頗薰知見香風流有諸孫結屋廬山陽藉交游俠窟獵豔少年場光怪驚鄰里收身反摧藏江湖拍天流羅網蓋稻梁安能衍衍飽遂欲冥冥翔畏影走萬里不如就陰涼亭東亭西渺煙水稻田衲子交行李古靈菴下倚寒藤莫向明窗鑽故紙

已上外集

臨河道中

以下別集

村南村北禾黍黃穿林入塢歧路長據鞍夢歸在親側弟妹婦女笑兩廂甥姪跳梁暮堂下惟我小女始扶牀屋頭撲棗爛盈斗嬉戲喧爭挽衣裳覺來去家三百里一園兔絲花氣香可憐此物無根本依草著木浪自芳風煙雨露非無力年年

結子飄路傍不如歸種秋柏實他日隨我到冰霜

伯時彭蠡吞牧圖

元祐三年
秘書省作

岳陽樓上春已歸湖中鴻雁拍波飛布帆天闊隨鳥道石林風晚吹人衣春水初
生及馬腹浮灘欲上西山麓遙看絕嶺秀雲松上有垂蘿暗谿谷沙眠草嚙性不
驕側身注目鳴相招林間瞥過星燦燦原上獨立風蕭蕭君不見中原真種胡塵
沒南行市骨何倉卒祇收力健載征夫肯向時危辨奇骨即今貢馬西北來東西
坊監屯雲開紛然駑驥同一秣爾可不憂四蹄脫

觀劉永年團練畫角鷹

元祐三年
秘書省作

劉侯才勇世無敵愛畫工夫亦成癖弄筆掃成蒼角鷹殺氣稜稜動秋色爪拳金
鉤背屈鐵萬里風雲藏勁鬪兀立槎枒不畏人眼看青冥有餘力霜飛晴空塞草
白雲垂四野陰山黑此時軒然盍飛去何乃巘岈立西壁祇應真骨下人世不謂
雄姿留粉墨造次更無高鳥喧等閑亦恐狐狸嚇旁觀未必窮神妙乃是天機貫

胸臆瞻相突兀摩空材想見其人英武格傳聞揮毫頗容易持以與人無甚惜物
逢真賞世所珍此畫他年恐難得

戲用題元上人此君軒詩韻奉答周彥公起予之作病眼皆花句不及律書

不成字

元符二年
戎州作

北道沈霾多歷年喜君占斗斲龍泉我學淵明貧至骨君豈有意師無絃瀟灑侯
王非爵命道人胸中有水鏡霜鍾堂下月明前枝枝雪壓如懸磬敝帚不掃舍人
門如願不謁青鴻君來聽道人寫風竹手弄霜鍾看白雲平生竊聞公子舊今日
誰舉賈生秀未知束帛何當來但有一筇相倚瘦欲截老龍吟夜月無人處為江
山說中郎解賞柯亭椽玉局歸時君為傳

元師自榮州來追送予於瀘之江安綿水驛因復用舊所賦此君軒詩韻贈

之並簡元師法弟周彥公

建中靖國元
年戎州作

歲行辛巳建中年諸公起廢自林泉王師側聞陛下聖抱琴欲奏南風絃孤臣蒙

恩已三命望堯如日開金鏡但憂衰疾不敢前眼見黑花耳聞磬豈如道人山繞
門開軒友此歲寒君能來作詩賞勁節家有曉事揚子雲籜龍森森新聞舊父翁
老蒼孫子秀但知戰勝得道肥莫問無肉令人瘦是師胸中抱明月醉翁不死起
自說竹影生涼到屋椽此聲可聽不可傳

十八家詩鈔卷十六終

